

重修天柱縣志序

天柱建縣之義何昉乎蓋由以  
所改縣而縣卽名也建縣之人  
何昉乎蓋由所吏目朱君梓請  
改所爲縣因以朱君授縣令而  
縣以名人亦以名也所設於明

天柱縣志序

一

洪武之二十四年縣改於萬曆  
之二十五年歷年二百有奇忽  
焉舍其舊而新是圖毋乃簡於  
所者煩於縣抑或稱簡於當年  
者滋煩於後世歟雖然時至事  
起在改建之初豈不甚善朱君

縱神明烏能驗既往測將來逆  
億因革損益興衰隆替之數如  
符券之不可爽哉唯就朱君論  
覺輯柔我人民也不難而控制  
乎蠻服也匪易何以當日之民  
既相安苗亦有格至今猶尸祝

於勿衰天柱爲苗民禱處地苗  
性直而悍且好勇輕生雖武侯  
五月渡瀘凡擒縱者七而終不  
改其狡黠格鬪之習性使然也  
是非得良有司爲之編戶口登  
版籍敬崇學校敦尚禮儀何能

化雕題鑿齒之風俾之革面且  
革心耶朱君始有心此地久矣  
任所幕六年熟知崗苗情狀唯  
建縣可使帖服爰請割會同縣  
崗鄉四里汶溪一所並本所與  
原管苗寨三里成一縣治又慮

隔越於會之口鄉不能徑達靖  
屬遂無以接承宣廣文教復請  
將口鄉一里割歸天柱卽今之  
里名典文是也然里畝不均難  
以定徭役之輕重於是均崗鄉  
四里之多寡大都以一萬二千

畝爲率又以其餘畝編新增一里坊廂半里焉統而記之尙鄉四里口鄉一里新增一里坊廂半里苗寨三里天汶二所合九里一廂二所庶幾經界正井地均而縣治成矣壬戌春杪余謬

膺茲土鳥道穿雲如馳九折坂走巖颺谷底且毗連黔粵雖僻而衝甚至大軍大役與大邑相頡頏余復賦性迂拙值簿書鞅掌何暇搜輯典故效文吏之所爲歟獨是志書爲一邑之綱綜

勢不得不採之故舊訪之耆英  
僉曰此地疊罹兵燹而荒徼圖  
籍寥寥數編俱付諸流寇之一  
燼又未有朱君其人者崛起而  
手定之所謂誌以人傳無人則  
無誌也余因不得其考而風塵

勞攘席未暇溫遂寢其事竊有  
志焉今我

皇上天威遐暢山無伏莽海不揚  
波憂乎莫可尚已頃奉

旨纂修會典集遺帙以彙大書真  
成一統之志如覩百谷之王也

余雖僉魯無文敢不廣搜旁輯  
得斷簡殘編以共襄

盛治因畢力購覓於四野僅得藝  
文八又八景瑞蓮金鳳山諸詩  
凡十五并採縣志原附於州志  
者次其目而各別爲一則大都

天柱分會同之四尚口鄉編爲  
六里一廂并本所與三里汶溪  
其縣志亦可約畧數也唯昔則  
楚編所悉載今則會典所畢登  
山川有靈將籍是矣竊媿擎天  
之石柱辱裁白地之明允誰爲

天地大文而咏邦家樂只耶則  
恃有

國史簪筆者

在  
皆


康熙二十二年歲次癸亥孟冬  
吉旦知天柱縣事普安王復崇

天柱縣志序

天

七

謹  
誤



凡例

一縣建於明萬曆二十五年其前皆爲會同天汶二  
所地志之所載總未及百年事也今採州志廣傳  
聞彙成一書是縣創于百年之前而志創于百年  
之後

一山川形勝有自從前惜草萊未闢亦湮沒無聞耳  
建縣後以金鳳龍泉彙成八景因之騷人逸士流  
連詠歌八景亦相沿陋習詩各家所不錄採而志  
之亦聊爲一丘一壑之藉焉

天在縣志

凡例

一

一田賦戶口錫折秋糧起存之數悉依賦役全書  
准嗣有奉裁奉復以待後之續修斯志者

一文武職官寨七數人在明之四十餘年皆經始之  
士在

本朝四十餘年皆開復之人後先才智大畧相等唯  
是崇禎末以及順治初亦有修城署勒碑砥者未  
歸一統率皆擯而不錄所遇非時所事非王良可  
永嘆

一選舉薦拔建縣已逾百年二年一貢應得四五十



人由啟禎後有以明貢追授爲職者有以僞時迫  
于出貢者士人出處不可以不嚴志載萬曆之十  
人

本朝之八人率皆無可擬議知我罪我唯在斯志  
一耆德士行在雖小不乏其人然恐有盈滿中生不  
能卒成德業轉謂修明者之過當耳因止載其故  
明耆德三人非故嚴之所期于士者大也

一孝子近有未載愚民割股救親終傷父母之遺志  
若守身之爲愈也昔已旌獎者不遺今未旌獎者  
不入必得終身孺慕方無忝爾所生實有期于後  
日之爲人子者

一節婦僅志明季二三人然撫遺終老率皆女子當  
節不遇大艱大難實無以顯冰霜之操俟於深山  
窮谷訪有出人意表者再爲申詳以備登後來之  
志

一流寓遺蹟難以搜詳伏波平五溪武侯擒孟獲經  
此地也李太白之流夜郎魏了翁之謫誠州亦未  
必不觴詠于此當時土苗未曉文字亦不知名賢

足傳遂不復誌其蹟之所在惜哉

一補遺著書所不廢也况文獻無徵唯訪遺老搜山谷以耳目成書者乎今篇帙中有序之於前而得之於後者有祀之自昔而修之自今者有剖付于梨而郵來於楮者如江東岩小江橋鷓鴣渡舟紫雲永勝瀨洞祉學諸橋皆捐俸修未及註載迎恩諸樓岑朗白雲諸山採訪不及未登入輿圖巖洞得之詩筒入則傷紛遺則傷畧以序次而兼積是又創志者寸舌苦心也唯冀閱者鑒之

天柱縣志上卷

目錄

輿圖

疆域

星野

沿革

形勝

風俗

山川

水壩附

古蹟

城池

公署

公館官庄附

學校

書院社學附

壇廟

菴寺觀附

關梁

郵舍

天柱縣志

上卷

坊鄉

團寨附

田賦

學田附

戶口

起運存留附

土產



# 天柱縣 輿圖

通邑皆山也尺幅中城郭堡哨司社充塞無餘矣  
卽奉 文圖繪之山川亦不能備載况志無可攷  
目所未經何能作意中丘壑而曰某山某川列如  
几案乎余因蒐採木植環轍四郊見有奇峯絕巘  
挿削天狀若米元章見之必拜眉山柳州見之必  
亭不知作何佳文點綴千古余細訪其名爰次列  
其後不忍棄諸艸莽以存丘陵學山意倘後有康  
樂其人引尊着屐質斯志以覽斯山亦以稽余言  
之不謬也云爾

天柱縣志上卷

天柱縣知縣事王復宗彙輯

輿圖

嘗稽輿圖脩攷而知隸九有之版章扼四方之險  
要靡不列如睂睫其殆祖職方氏而師其遺意與  
爰約畧其大槩則疆域固吾圉也星野紀分躔也  
沿革考制度也形勝風俗量廣狹辨淳澆也山川  
古蹟平原隰驗碑砥也城池公署相金湯之勢而  
度陰陽之宜也學校廟壇廣教化於無疆而憑依  
將是在是也關梁郵舍防奸究之出入而備往來之  
迎送也至若坊鄉之遠近田戶之多寡與夫庶物  
之所生殖尤爲不可闕者使不按輿圖而登版籍  
曷有賴焉

天柱縣志

上卷

疆域

按九州分野得百里之國而君之蓋相爲表裏者  
封建與井田是也楚南之天柱屈在邊隅三苗西  
接六詔南連雖曰無此疆爾界而內外之防遠近  
之別烏可不辨焉况苗蠻雜處保無有狡焉思逞  
而禍及鄰封者歟則疆域在所首重也

縣治在州城西南陸路一百六十里東至會同界蘇  
家團八十里至會同一百二十里東南至靖州界銅  
羅段一百里南至蒲洞司茅坪八十里至銅鼓衛一

天柱縣志

上卷

二

百八十里西南至外界皮所一百里西至蒲洞司平  
征六十里至蒲洞司八十里西北至鎮遠界外華溪  
八十里北至沅州界琉璃山一百里至沅州一百八  
十里東北至會同界蒲文九十里東至湖南長沙布  
政司陸路一千一百里北至湖北武昌府水路二千  
三百三十里陸路一千六百八十里到京水路七千  
三百里陸路五千八百二十里東西廣一百四十里  
南北袤一百一十里

按建都立國凡因革損益興衰隆替雖曰天運使  
朕蓋人事居其半焉叅舊志以刊新書端有賴於  
留心經濟之一人而知通經術所以明世務也

天柱縣

僻

夏禹貢荊州之界 周屬楚之西 秦黔中地

漢屬牂牁郡 梁唐宋屬誠州所轄卽今之靖州也

明洪武二十四年苗人猖獗楚王率領官軍征進大

坪小坪等處始撤靖州衛左千戶所以守禦之此天

天柱縣志

上卷

三

柱所之所由來越萬曆二十五年本所吏目朱梓  
苗向化申詳兵備道徐公榜分守道鄭公鏡分巡道  
陳公惇臨貴州巡撫江公東之湖廣巡撫李公得陽  
巡按趙公文炳會疏請照武岡城步例改所爲縣照  
山東費鄉二縣例以吏員陞縣令遂改爲天柱縣割  
會同尚鄉口鄉汶溪并本所苗寨以成縣治爰設知  
縣裁會同之主簿設典史裁本所之吏目設教諭裁  
會同之訓導而鎮遠江東二司竝屬之由是巡撫江  
公及三道徐公等親歷是方相陰陽形勝立縣署門



樓城郭其規模去所治遠矣朱君陞授其事百廢俱  
舉是縣也起于萬曆甲午成于丁酉迄今蓋九十有  
餘紀焉

星野

按星野分躔凡以占雲物志災祥而天人相接之會默運潛孚如銖黍不爽敬天勤民尚慎旃哉

軫宿分野

文獻通考翼軫則楚之分野翼二十二星凡十九度軫七星凡十七度天柱在楚境內亦屬軫

漢書自張十七度至軫十一度爲鶉屬楚之分野屬荊州天柱距荊州不遠疑不出軫之外

晉天文志楚零陵入軫十一度天柱近零陵當軫

天柱縣志

上卷

五

十七度後之君子仰而觀俯而察爲災爲祥不必舍軫而他求也

附占候

太白犯軫主兵辰星守軫主水

形勝

嘗攷築城修池一郡有一郡之形勢一邑有一邑之形勢蓋相陰陽觀流泉率是道爾天柱踞楚上游毘連黔粵扼要害而控苗蠻勿謂一柱擎天之可恃也在德不在險尚其誌之

天柱縣

上控黔東下襟沅芷囊百蠻而通食貨順江流而達辰常山川聳峻構水東流界在黔楚之交尤爲尙苗砥柱其云勝也凡有八焉詳見山川並入景詩

天柱縣志

上卷

六

柱石擎天

在縣東十里其形似柱高而圍舊云有鳥類鳳鳴於上縣之名始此

龍泉噴玉

在城東北之交觀音閣下

金鳳曉鐘

在縣北十五里其山形似鳳上立有庵晨起擊鐘遙聞數里悠狀可聽

鐵山冬雪

在縣北五里

春花夜月

在縣南十五里

嫩艸斜陽

在縣南城外演武堂前坪生嫩草四季如是夕陽斜照時更美二可觀

茨嶺連雲

在縣東四十里

幘頭霧雨

在縣西五十里舊註云幘頭山也霧濛山頂定有大雨至今占望不爽

風俗

風俗之好尚非其人不治况楚風剽悍而天柱充  
爲極邊不得其人以治之則十五國之歌謠未易  
奏南薰鼓休和也昔化蜀郡遷柳州文翁子厚之  
遺風不可攷而志歎

天柱未建縣時人以剽悍爲上苗以劫奪爲生開化  
以來易刀劍而牛犢易左衽而冠裳好勇習戰之風  
日益丕變

余治鳳城之明年爲木植之役紛馳岩壑間見夫

天柱縣志

上卷

七

火耕水耨宛若邠土之遺服食尚恬素吉凶稱有  
無其風亦近淳古而三苗之俗以母党爲重婚媾  
先中表而後外人遇病不藥而事祈禱遇喪不哭  
而事鼓歌非善人相繼百年必不能易此風俗太  
史公曰非一朝一夕之故其所由來者漸也信然  
哉

山川

按衡嶽七十二峰疊巘層巒亘三百里而洞庭千頃澎湃中流分支於湘瀟雲夢之間若湖南其最著矣他如登二酉泛五溪而天柱一峰又居湖南之最奧其危崖峻嶺莫可紀極此邦之人類皆直朴自尚或亦山川風氣之所稟歟雖狀維楚有材自昔稱之豈金鳳山頭獨無翹二其羽者哉王多吉士何地無人於茲竊有望焉

山

天柱縣志

上卷

八

煙燉山

去縣南三里在邑發脈之所其山來自天堂朱君封土于其上山足下建有稱香亭焉今廢其亭其碑可紀

金鳳山

高數百丈亘數十里見古蹟

鐵山坪

其地寬廣可容萬馬三面環以山一面透以水山隈積雪至春不消即光年豐

涼傘山

去縣東十里其形如傘為柱邑秀峯

茨嶺山

其山兩峯對立長數里中澗丈餘樹木蒼鬱雲鎖其巔為柱邑扼要朱君因設太平堡

廢今

大靈山

在縣東七十里上有佑聖宮多靈驗三九月間居民進香不絕

黃少山

去城南七十里舊立菴于上與縣屬茅坪接壤對山有五龍嶺相傳唐王巡行至此

鐵山

在縣西二十里石色如鐵鑿之顏堅

幞頭山

在縣西三十里山形下覆有霧籠罩即雨農家省之屢陰

春花山

在縣南三十里山下有寨七畔有池半畝清光夜發四時明晦皆狀因以各山

疊山

在縣北五里峯巒層折迤連而南故名曰疊

尖山

在縣北五里如浮屠挿天高不可極

筆架山

在縣北十里形如筆指檣星向其處似筆架然

柱石山

在縣北十五里上有石如柱此天柱所由名也

分水岫

在縣北七十里沅州交界處從山之嶼一水往沅一水歸天柱

蓬萊山

在縣北八十里三山列峙如蓬萊三島狀因名

天柱縣志

上卷

六

林排山

在二首岩門寨離縣東三十里下有流泉山勢排闥如木壁削成

急溜山

在三首離縣北三十里前後有溪山當急溜故名

篾箕山

在縣城東北五十里山形如箕

白雲山

在縣東北六十里上有茺刹四圍環以村寨晨暮炊烟如雲生其麓

岑巖山

在縣東北四十里其山如垂翅形溪水宿流其下

邦尚崖

在縣北十五里峭壁臨水鑿石路以通行人往來如走廊廡下溪橋繞麓茺刹踞巔

高雲山

在與文離縣東六十里山最高而雲生山下故名

元正山

在與文離縣六十里林剝蒼翠朝煙暮靄如米家一壺圖

新舟山

在縣東五十里山如舟形水環流其下層層茺刹蔥蔚可觀

蓮花山

去縣西六十里其形似蓮花

寶林山

去縣北七十里  
有庵其上

川

清水江

發源于黔屬苗界不知其幾千里由岔處至托口與渠水合至黔陽與沅水合并入辰河

離縣五六七

十里不等

北門江

發源于新溪城北百餘里遠城而下三十餘里至小江中與清江合

西江

發源于鬼姑溪順流從西而下至城北五十餘里與北江合一帶田坵賴以灌養

白水冲

發源于南坡脚四時不涸即外屯田賴所灌者約計五六百畝朱君築堤而分水焉夏

名曰青龍澗

天柱縣志

上卷

九

灘

滑石灘

長灘

門坎灘

敗灘

石牛灘

蔣公灘

梗洞灘

橫巖灘

雷打灘

沸水灘

長喉灘

壩

巖寨壩

三座灌田一千二百畝

雷寨壩

二座灌田二百八十七畝

薄皮寨壩

二座灌田一千九百畝

伍家寨壩

一座灌田二百畝

烹寨壩

一座灌田七十畝

以上係一畝

度馬寨壩 二座灌田三百八十畝

江東寨壩 一座灌田三百畝

汶溪寨壩 二座灌田三百五十畝

岩門寨壩 一座灌田四十畝

新丹寨壩 一座灌田一百畝

長團寨壩 一座灌田三百畝

以上係二音

楞寨壩 二座灌田六百五十畝

平地寨壩 一座灌田二百二十畝

都甫寨壩 二座灌田二百三十畝

金子寨壩 一座灌田一百五十畝

王家寨壩 一座灌田二百畝

地鎖寨壩 一座灌田四百畝

以上係三音

劉家寨壩 一座灌田二百畝

撮頭寨壩 一座灌田二百畝

天柱縣志

上卷

十

邦洞寨壩 二座灌田一百九十畝

賴河寨壩 一座灌田一百三十畝

三團寨壩 一座灌田一百六十畝

陂頭寨壩 一座灌田一百一十畝

高野寨壩 一座灌田一百二十畝

以上係四音

蕭家壩 一座約灌屯田五六百畝

小溪壩 二座約灌屯田七百畝

以上係天柱所

附泉塘

龍泉 即入景之龍泉舊在城外為苗所困展城而圍入內焉清可澆脾胃暑能解渴冬暖夏涼飲多不傷灌田百餘畝可飲數千家饑當大旱混二不竭若噴玉欣

龍塘 在城東十里灌田百有餘畝舊遷縣流于上更名龍塘縣



古蹟

嘗攷太史公抵沅湘弔蒼梧凡以爲古蹟也昔賢之風流餘韻猶在人曠覽中苟聽其湮沒不彰亦甚非吾人表微闡幽之意也天柱設自有明幾二百年矣其間豈無幽泉恠壑爲名勝之可傳者乎採而輯之備登諸乘以無負山谷效靈之意爰成一代之書以待後之品題其上者

楚王營

在縣南十五里昔日征苗駐蹕于此其址尚存

花娥寨

在縣南二十五里

天柱縣志

上卷

七

金剛山

去城東六十里相傳遠口巖漢寺有金剛二神飛昇其上土人異之爲立寺焉在未建縣之先至今香火不衰

觀音巖

去城北渡江數百步累級而至俯壁爲閣由閣入洞洞門高敞稱奇觀焉卽卽姚公履素爲之

記

仙姑弁

在縣東五十五里

朱公堤

在南坡之麓澗水出其右居民爭水利以灌田近往二鑿之公以此爲邑脈過缺之處因築堤數丈通地脈固本基均水利益一舉而三善備焉誌見藝文

江東巖

去縣東六十里其巖高極若慈雲普覆舊立梵宮於其下

白巖宮

去縣東五十里四圍陡絕獨立一峯舊置梵宮感神力助焉危禱丈餘非誠敬者莫渡

春花寨

舊傳其地有池半畝至夜光芒閃爍有如皎月近視之則若無焉

古木塘

去城北三里塘有一木不知流自何年半浮半沉合抱不止青絲旋遶望而畏之土人暮夜時見其露形江岸百餘年春水泛漲穩載如故

在縣東北二十里

白龍井

石牛塘

在縣北三里昔有善水者入洞而見其形前足仰而立後足俯而伏青系飄遠冷氣襲人

不敢

近焉

金沙塘

在縣東四十里

荷花池

在縣南門外中有臺圍十餘步朱君立亭于其上架木橋以渡明末十餘年藕斷花絕國朝開闢花復發生至今茂盛詳見瑞蓮詩

天柱縣志

上卷

十一

金井溪

在縣南二十里

千佛鐘鼓洞

在縣西三里萬曆壬寅朱君因修邑志選勝于斯入其中可容數百人進數

十步微露天光千佛院見石懸若鐘鼓擊之有聲復有清流從中出冬溫夏涼

朱君遂命名各曰千佛鐘鼓洞又題其石曰天下第一奇洞云中設木亭圍以朱

欄今廢之詩記詳見藝文

相公塘

在縣北三十里

得勝嶺

在縣東二十五里

黃花坑

在縣東四十里

紫雲巖

舊立真武堂于上前有三石峙立若儀門去城北里餘

城池

攷城池之設所以爲衛也衛則欲其完不完無以衛我倉庫民物也天柱有城而無池隸于山也城毀於苗者二而完之者亦二爲制度狹小苟計目前也擴以充之分以築之時以葺之不容彼玩此忽遂定爲永制焉

天柱舊爲土城洪武二十五年苗叛城遂圯無完堵復築以嚴保障額二里七分宣德二年爲重蝦苗所圍幾隔上委平溪莫指揮平之自朱君改縣捐金市

天柱縣志

上卷

十三

地展城一百八十餘丈擴舊額爲三里三分諭以綢繆未雨一勞永逸之計惟時民苗子來不踰月告成上覆串樓五百五間設四門城樓四座別號鳳城自龍井以西至南門爲苗城由南門以東至龍井爲民城民苗各爲修葺作展城記以志之蓋苗原轄於所而民新附於縣者也崇禎丙子年知縣王君良鑑申請改治丁丑年石君之鼎遂遷至龍塘不數年何知縣爲苗所害明朝俞君廷薦乃於雷寨作縣治丁亥夏六月十三日被諸苗攻破燒殺七十二人壬辰義

王勦平之命知縣黃君繩憲武弁閭鍾繩來是邦諭勸民苗各照原額城垣自爲增築遂相沿至今柱之人宜遵先制可也

東爲迎恩樓

係舊置修葺之層樓三楹石臺一座橫接城垣

南爲迎薰樓

甲午年復置之層樓三楹石門一座月

西爲懷遠樓

葺舊置而新之層樓一座月城圍其外焉

北爲拱極樓

甲午年修葺之丙午年圓祿丁未年知縣賈公復創之層樓一座城環其外

公署 倉庄附

古者聽政宣上德達下情公署之所由設也萬民之瞻仰一邑之規模于是乎在所以無媿幽獨無媿大廷上之可以報君父下之可以慰民生則問諸居是署者

知縣署

舊署在縣之中萬曆丙申春 朱君梓建丙子遷龍

塘遂毀焉甲午春復舊治而署更新公堂三間堂之前爲抱廳堂之左爲庫右爲兵房後爲川堂川堂之

天在縣志

上卷

五

左丈餘爲東廳川堂之後又三間爲三川堂由京而上爲內衙皆南向公堂之下東爲吏戶禮爲奉發舖

長西爲總書爲刑工儀門三開儀門下左爲祠以祀

土神 係寅賓館舊址丁未冬知縣黃公建之

右爲獄以處囚犯

丙午春葺祠

復創前爲鼓樓下數級隔二丈餘而屏墻立焉

典署

舊在縣之右側丙子年縣遷龍塘遂廢之甲午春亦

同建焉丙午春延毀丁未冬復立正廳三楹與縣之

川堂竝廳之下左右翼爲書皂房前爲門後上數級

爲川堂爲內衙抵觀音殿

分司

萬曆二十四年孟春建舊在南門左側前抵城後抵晏公廟丙子毀康熙五六年知縣黃穆功德府以建之今頽廢存其址

義館 在城之南舊爲所治康熙二十四年奉文新立焉

叅將府 在城之東與縣衙並新設之即古學基

儒學 在城之東開創之初縣學並峙縣居右學居左今 叅府即其地也因徙城南所吏目廳

江東司 在縣東五十里久裁 鎮遠司 在縣東四十里

天柱縣志 上卷

僧會司 舊未設 道會司 舊未設

天柱倉 舊在南門內分司右側之前

永豐倉 舊在分司右側之後俱廢之屬營房今徙置西門內之右

學倉 舊在古學之下今廢之屬 叅府

演武場 在縣南門外長六十六丈寬三十六丈上有演武廳前後各三楹將臺一座

黃田公館 在縣東七十里 朝陽公館 在縣東一百里

衆溪公館 在縣北七十里 新市鎮公館 在縣北七十里

興文官庄 在縣東十里 永豐官庄 在縣東三十里

銀鳳官庄 在縣東十五里 金鳳官庄 在縣東二十里

阜國官庄

在縣南十里卽今南坡哨爲學田

玉屏官庄

在縣南十里

永寧官庄

在縣南二十里

安樂官庄

在縣西二十里

定遠官庄

在縣西三十里

太平官庄

在縣西四十里

永泰官庄

在縣北五十里

育民官庄

在縣西南十里

永興官庄

在縣西南十五里

以上倉館官庄俱萬曆二十五六七年建

養濟院

在城西之後街舊對設平屋各五間門一座今廢之屬營房知縣王君現卜地起造

漏澤園

在縣東門外五里朱君捐俸買地一幅長二十六丈寬九丈以瘞貧不能葬者

學校 社學附

學校爲人才之藪教化之地士先德行而後文藝  
端所始也天柱在所治之年已漸知文教因割會  
之口鄉倡率鼓舞都人士愈知敦崇節義蔚起文  
章迄今明經歲舉者閏二年得一登賢書擢巍科  
者尚未槩見由此文明日起戶誦家絃則名存而  
實亦附也今奉

繪音修崇

文廟爾多士恪遵

天在縣志

上卷

六

聖訓爭自濯磨庶無媿乎濟匕峩匕之譽矣

文廟

舊在縣東門內萬曆下酉夏朱君率邑人建殿廡祠  
堂齋衙門坊池橋以及鼓鐘樂器俱備一時選舉登  
仕籍者不少概見丙子縣還龍塘學并毀乙未縣復  
舊治乃建于城南分司地康熙元年黃侯遷所治學  
宮三易所矣無異乎選舉不聞明經空老邑人士賦  
以風水是尤謂城北一隅可以妥

聖發祥甲子春余聚多士斟酌之僉曰善遂遷學宮



于城之北捐俸二百餘兩市地興工一遵舊制維新云

正殿

三楹作西卯向

兩廡

東西各五楹

戟門

三楹

櫺星門

三楹

泮池

半壁形在櫺星門內

青雲橋

仍其舊號

啟聖祠

明倫之後

明倫堂

左殿之左

尊經閣

殿後有基未建

按學宮三遷兵火叠遇樂器祭器百無一存今殿祠堂燹重新自應漸次捐稱不預爲登記昭明信也

計買民地

貢生蔣正時地一幅價銀貳兩肆錢

生員王需賢地一幅價銀貳兩八錢

天柱縣志

上卷

九

生員楊文洙地一隅價銀六錢

梁材材地一幅價銀六兩四錢

楊浩然地一幅價銀七兩續擴買入錢

胡舉安地一幅價銀貳兩伍錢續擴買壹兩

以上共計地價紋銀貳拾叁兩伍錢

附舊設學院

開化書院

舊在城東學宮之前朱君建之置田租爲子弟延師肄業之資今廢之屬 參府前

屏牆

興文社學

在縣東十里朱君遺像在焉舊置有黃保田一畝王朝判田一坵又開墾平浦岑

多灰脚田三畝五分并店四間每年收租以供其費

寶帶橋社學

在縣東五里橋之右祠之左朱君建焉羣鄉子弟而教誨之其作人也至矣今廢其學其址尚存

鐘鼓洞社學

在縣西三里三元宮之左舊置有田以食教讀者惜廢之

聚溪社學

在縣北七十里俱萬曆二十六年建今廢之

附遷建學宮記

學之建也有國有郡有邑而大中小學分焉名不一也其實則歸於興教化植倫常端軌物如命夔典樂臨雍教胄俾斯士之有德有造在泮之獻馘獻功率是道也然中土之學與邊圉不同中土流風深遠凡經明行修者發潛德之幽光而志在功名顯燦之儒一旦釋褐襲皇路又皆爛文采尚氣節處則不負所學出則不負吾君何一不得之義路禮門耶卽中有沿革變遷彼都人士請於學使者告於廟廷不轉睫

天在縣志

上卷

三十一

而隨廢隨舉俎豆千秋無恙也維邊圉則有難槩論者菁莪棫樸之未深黨塾膠庠之不脩而單寒士子負耒橫經相出入其間滄桑播遷烽火流離方室家閭閻之不逞恤而尚冀其整類壁荒碑片宮蔓草於劫灰寇燼之餘何可得哉何可得哉雖然人才間世而生地氣百年必變使必執拘墟見以爲邊圉之學不侔於中土將培塿非山而可至於山川澤非海而可至於海鳴呼謬矣抑又不然余以壬戌春杪奉

命承乏柱邑甫下車觀斯邑也山環水抱知必有惠中

秀外之士挺生其間無何而人文岑寂半皆鬱也茲  
土卽有二三讀書稽古輩傲岸自異亦如魚龍之隱  
大壑屈獲不得伸何以故邑士子僉曰此地苦兵役  
隔於僞晉秦凡廿有餘紀縣治遷者二學宮遷者三  
中間以吳逆猖獗雖學宮未委諸艸莽其如蹂躪化  
離何暇問宮墻事地之不宜人之咎與天之厄也余  
歎息久恻也朕如有所怵今值

聖天子廓清海宇採列郡之舊志彙一統之成書又復  
臨雍釋奠重道崇儒爰下

天在縣志

上卷

二十二

綸音合十五國之

文廟而鼎新之是誠爲天下開文章之祖而士子際風  
雲之會也余不敏微博士弟子員請而敢自謝曰非  
予之責也夫爰以遷學舉謀諸通邑紳士相與樂之  
謂余曰郊之北去城不數武有山址渠水鄧堪輿曾  
矚目余朕其請因命竹輿逆之來諸士從往觀焉及  
登巔而眺文筆峙其前金鳳迤其後明堂軒殿碧水  
滌洞左右環繞諸山如屏列錦幕然至於支分派衍  
起結廻顧之形勢則藉有堪輿之雙曉一指予又何

能窺其涯涘哉諸生皆曰善因以期費請余曰不佞  
等之熟矣寧待諸生言余薄有微俸近奉

旨新復敢卽以之爲遷學貲再補其不給約計之或可  
觀厥成因市地卜吉鳩工庀財諸生亦踴躍趨事爲  
殿爲廡爲明倫爲啟聖爲池橋甃牖爲櫺星左右戟  
門悉遵舊制而更新之是役也起於甲子之春竣於  
乙丑之夏鼓鐘篚簋之屬尚未備舉竊有逮而不佞  
更欲爲諸生獻其愚夫廟以文稱人文萃焉試爲之  
取象於山文之修然而整飭者高山之仰止也文之

天柱縣志

上卷

二十三

溫然而秀越者玉山之清映也文之蒼蔚而聳潔者  
極目兮芙蓉天半也文之排蕩而罕律者置身乎泰  
華峰頭也文之杳乎鬱乎而縹緲無際者山在翠微  
煙靄間也他如離奇縱橫有類乎幽巖怪壑峭嶂層  
巒雖曰胸期磊落不可一世槩而此中有奇士卽有  
僻士唯識者辨焉何也士之行先於文行之不勅焉  
用文之夫行卽士之表也表正則影正表邪則影邪  
可不慎與善願此邦人士行成各立風範則嶙峋玉  
尺文章則擲地金聲與樂之條理相終始由此而作

賓

王家爲柱石爲楨幹卽所如不合而廉隅端方昂藏俊偉與器之瑚璉夔鼎相輝煌由此而鄉里知所矜式多士奉爲楷模是則聖人之徒也是則余之初心也後之來令斯邑者入其廟登其堂進諸生而諮諏所未逮庶其增修培育擴棟宇松雲之地躋聲名文物之邦豈尚遘圉云乎哉若謂今日之舉固已美稱善也余又何敢

昔

天柱縣志

二卷

三十四

康熙二十四年乙丑季夏之旦知天柱縣事甲子分校楚闈同考試官捫霞元一王復宗謹譔

附邨堪輿學宮來歷序

建學明倫由來尚矣然建學以人傑爲要而人傑以地靈爲先地得其宜則學校興人文盛固捷如影響者也桂邑秀士謀徙賢宮幸逢

聖天子飭令維新 賢令尹嘉惠後學召予而咨諏之

予渠東一鄙人耳蒙承召杜之榮光愧乏廖郭之妙術謬應此舉竇也來前與諸紳士登南山審鳳城形勢自巽方發脈疊起金水二星轉入丙午分派三枝其正枝直從城南至縣衙結局坐北向南迴龍顧祖

天柱縣志

卷

三十五

右枝由南郊而東下盤旋遶北爲護托之神砂左枝自武塲而西來峽過了坤起土星爲玉枕申庚雙龍入首金水二星結局并作酉山卯向取了酉丁卯分金取巳酉天運龍坐穴前面文峯雙聳辛峰後起玉帶重環水纏元武氣遶青龍初列城垣印浮水面前呼後應氣象萬千右伏左降精神百倍考之心賦驗之天機未有如斯地之允吉者也頃值清和之候况逢上澣之期新

聖殿之棟梁光公門之桃李香飄月窟文闢天荒萬里

扶菴子弟仰宮牆萬仞千秋遺愛春秋共俎豆千年  
敢摠管窺敬陳郢正

天柱縣志

上卷

二十六



附 各憲條議

湖廣辰州清軍府署直隸靖州正堂事張 為諮詢地方利弊以資採擇與釐事康熙二十三年六月初二日奉 提督湖廣通省學政按察使司僉事姚 憲牌內開康熙二十三年五月十四日奉 偏撫都察院丁 批該本道呈詳據長沙府詳陳八條內稱一興學校一欵湖南兵火之餘士貧業荒無惟其狀但可異者一經採芹便充里長不離衙門其抗賦包差與詞滅訟詡為長技相習成風卽間有潛修向學者

天柱縣志

上卷

一 卷五

則必羣相竊笑目為迂腐是以合邑絃誦之聲幾成寥々絕嚮故上科秋闈湖南登雋僅得數人而春榜並無其一雖有聰穎可造之資唯工出入衙門之術無復奮志青雲之望請飭各屬如有生員強充里長者許卽申報學道註冊臨考之時將曾應里長者另造一冊其該學劣行生員卽于此冊內舉報革黜其餘當場文理但稍疵謬者立置劣等文藝雖優者亦不許列為一等似亦訓化之一端也又楚庠雜濫已極本一武生也乃已經黜革矣猶稱爲生員更有社

師相禮吏生等類無不冒稱爲生員彼既無罪可愛則一無所不爲惡莠亂苗此之謂也似宜清釐以正士體併宜嚴飭各學查取月課呈督學道品定該學所課文藝分別優異庶士業知勤而士風漸端矣等因到院據此除詳批據詳清匪類正風俗二條候卽行查禁其招流民積貯學校恤獄諸款候酌行並分檄布按學司道議詳行繳等因批發外所有與學校一條合行查議備牌行道查照來文事理卽將此款凡生員內有充當里長者臨考之時另造一冊以備

考取優劣是否可行作速查議詳報以憑酌奪施行至于已經黜革之武生及社師相禮吏生等類冒充生員名色該道卽行所屬嚴禁毋得冒濫名器并作何飭令教官每月課試文藝或送該道品定宜何如立法舉行一併妥議具詳仍將遵行緣由先行具報併令各屬徑具遵依報查速記等因奉此該本道查看得生員不許出入衙門包攬錢糧起滅詞訟皆

切令所嚴禁本道蒞任以來申飭再三頒列教條告誡諄上責成司鐸按月課藝董戒總期大創積習以立

防維也無如習俗相沿流波莫挽以故抗官久賦經  
各屬詳報者不一本道每遇詳報必批行革究從無  
寬假因念士爲四民之首自宜早完正賦循謹自愛  
爲斯民效法豈宜刁抗成風健訟成習以貽宮墻之  
玷復念楚南蹂躪之餘學校荒殘冠裳淪落由于士  
習未端文教未振本道深用憮然茲值 憲臺雅意  
作人興起教化多士蒸蒸日上然想見楫擗菁莪之盛矣  
嗣後文武生員概不許充當里役以里役有督催徵  
輸之責有經管收納之司士爲里役必致終歲不離

天在縣志

上卷

三 卷六

長吏之門類年唯與胥役爲伍坐見雪案塵封芸窓  
蠹積無復詩書之念士氣頹靡職是之由甚或任意  
包攬互相訐詆錢糧拖欠未完同甲扳扯莫辨官吏  
着落無從身名屈辱難免又安望其攻苦向上奮志  
青雲也本道一面通飭府州縣不許文武生員點充  
里長但恐積習生玩未之能改必請 憲威立法嚴  
禁永爲遵守本道職司董率除歲科兩考嚴行甄別  
外仍封發課題責成教官按月會集諸生課藝悉心  
講究有不到者以曠學論黜課竣該學評定費卷覆

閱卽以該學督課之勤隋定其考成之殿最庶幾責成專而學校可興廉耻勵而人才自起又何患乎士習之不端而登雋之鮮人耶至于該府詳稱生員充當里長者另造一冊以脩考定優劣等語是仍存有生員當里長之徑且本道巡校唯有等第格冊彌縫卷唯憑文字位置不復另冊分別卽舉報優劣原關士子行止亦不復專求之生員當里長之內再如已革之武生學冊旣已除名卽與齊民相等何又有冒稱生員之事他如社師等類不過稍示作養原非子

衿之此豈有冒充生員從前俱已嚴飭如有冒名生員干犯規條者卽時申報與齊民一例治罪通行所屬遵照在案茲應併請 憲臺再行嚴禁以加儆惕者也緣奉查議事理相應具文詳覆伏乞 本都院俯賜核奪批示遵行等因奉批生員再有充當里長被人首發或被該管官查訪申報者除褫革外仍行拏究餘如詳一併通飭各具遵依報查繳奉此合行通飭爲此脩牌行州查照牌內詳奉 院批事理卽便轉行所屬各該縣衛並各學一體遵照仍曉諭文

武生員嗣後不許生員充當里長出入衙門如有不肖子矜仍不遵戒闕充里役包攬錢糧或被首發或被該管查訪立即褫革仍拏究治責成該教官按月課莖評定詳閱毋得懈惰曠學務期董戒嚴明養成材器以副 本都院興起文教至意其社師等類不許冒稱生員干犯條例有負作養敢于故違許該管官卽行據實申報以憑嚴究決不姑恕凜之母忽仍各具遵依徑報 撫憲並報本道查考毋違速上等因奉此合行通飭爲此仰縣官吏查照牌內詳奉

天柱縣志

上卷

五

卷六

院批事理卽便轉行該縣學一體遵照仍曉諭文武生員嗣後不許生員充當里長出入衙門如有不肖子矜仍不遵戒闕充里役包攬錢糧或被首發或被查訪定行詳報 本道立卽褫革仍拏究治責成該教官按月課莖評定詳閱毋得懈惰曠學務期董戒嚴明養成材器以副 本都院興起文教至意其社師等類不許冒稱生員干犯條例有負作養敢有故違許該管官卽行據實申報本州以憑詳報 本道以憑嚴究決不姑恕凜之母忽仍具遵依徑報 本

都院并本道暨本州查考毋違連七須牌  
康熙二十三年六月十二日行

壇廟

庵寺觀附舊志三百有餘歷年久遠廢興不一茲畧載之

自天地設位以迨聖人設教而鬼神皆遵用成能于其中且社稷鍾靈山川獻瑞護斯民而澤萬物可不崇壇廟之祀耶致祭者內潔其志外脩其物非矜縟節也飾虛文也神所憑依將在德矣其念之哉

社稷壇

在縣治北門外舊立齋廳三間今廢之歲二入月上戊日致祭以木爲主帛用黑額設祭

銀詳載

丁賦內

山川壇

在縣治南門外舊立齋廳三間今廢之祭日同上神位三山川居左風雲雷雨居右本縣

天柱縣志

上卷

三七

城隍居右帛用白額

厲壇

在縣治北門外每歲春之清明秋之中元冬之朔日祭無祀鬼神迎城隍神位于壇上以王之

舊有廳三間今廢之

額設祭銀載丁賦內

城隍廟

在縣治東門內之左舊宇狹隘朱君新廓之今悉府彭知縣王捐銀重建門樓

龍王廟

在城東北之交宋紹興建左有觀音閣年久傾圮康熙初年復創焉北舊閣更崇

飛山廟

在縣治西門外設有明初後遇回祿順治十八年更立之各里崇祀者不一

淨神廟

在縣治西門外設有明年久傾圮順治十八年重建之各里祀之不一

晏公廟

在縣治南門內設自有明初後建天妃宮于其右

五通廟

在縣治東門外設自先朝之初其在各里廟制不一

馬王廟

在縣治東門外順治十七年新立之

伏魔廟

在縣治東門外二里許萬曆三十四年朱君捐贖金五十余兩祠而祀之

關聖殿

在縣治西門內左有準提庵俱康熙初年新

田心庵

在縣東十里有新舊二庵

星官庵

在縣東地湖一百二十里

朝陽庵

在縣東一百里

禪靜庵

在縣東一百里

水口庵

在縣北二十里

邦洞中庵

在縣北十三里

報恩寺

在縣治南門外設自有明初舊名太平寺朱君夏爲報恩寺後變爲興寶禪林

北極寺

在縣治北門外久廢

西來寺

在縣西門外已廢

觀音寺

在遠口去城五十里

羅漢寺

在遠口去城五十里

天柱縣志

上卷

三八

雷震寺

在縣東五十里

三清觀

在縣治東門外設自先朝年久傾圮康熙二十二年重建之

雲臺觀

在縣西三里

玉皇閣

在縣治東門外有明初年建焉

文昌閣

在玉皇閣之前康熙五年邑侯黃君開運新立之治有香火田

廻龍閣

在寶帶橋之左邑侯韓君建之

聽松閣

在縣西二十五里

三聖宮

在縣廳之後北門內明正統年建

三元宮

在鐘鼓洞之右朱君捐俸建之前爲八角亭後爲枕流漱石亭其景較勝今廢之

青木楊公祠

在縣北七十里新市鎮

朱公祠

在城東門內各里之祠不一



關梁

關以通商梁以濟涉古之制也往巖邑也舟車不至何有於大商大賈焉行旅以肩背負者將安稅此鎮遠江東二而一也若山溪漲溢徒輿往來而民不病涉不又多乎牧是土者取其山川形勢而論定之宜津宜梁宜棧宜棧無使泣岐路而阻遠人抑爲政之一端也

鎮遠巡檢司

舊設署于鷓鴣兵燹後移上新市十里

江東巡檢司

久奉裁并鎮遠司一年一處

天柱縣志

上卷

三五

清江鎮

在鷓鴣萬曆二十五年朱公建設公館以備駐節

新民鎮

在鷓鴣對河萬曆二十八年朱君新設以接苗者今廢之

新市鎮

在蕩洞萬曆二十五年朱公新建官店數十間募土著聚客商往來魚鹽木貨泊舟于此

寶帶橋

在縣東五里萬曆乙己之秋朱君鼓舞民苗共立之解銀帶以鎮橋遂名後韓君閻君黃君續修之更

各保泰橋

遠口橋

在縣東五十里石棧之

西流橋

在縣東八十里以木爲之

永勝橋

在縣北三里舊立之康熙二十年新葺焉

紫雲橋

在縣北門外舊立之康熙七八年夏新創焉

西江嗣壽橋

舊以木爲之被水衝沒康熙二十四年知縣王參府彭捐俸築以石焉

擺頭橋

在縣東北二十五里

王家寨橋

在縣東北三十五里

枋寮橋

在縣東北四十里

三义塘橋

在縣北五十里今廢之

聚溪冲橋

在縣北六十里

邦洞橋

在縣北十五里

嶺洞橋

在縣北二十里

社學橋

在縣東十里朱君立之年久傾圮復募葺焉

天柱縣志

上卷

三十

鷓鴣渡

在縣東四十里渡夫工食並修舡銀詳載丁賦

滙東渡

在縣東五十里渡夫工食修舡之費詳見丁賦

小江渡

在縣東三十里渡夫工食修舡俱見丁賦

郵舍

天柱靖屬邑也東連靖會餘三面則隣辰之沅州黔之鎮遠其所以速郵傳者則唯靖州是問邊所統也雖鳥道崎嶇苗蠻出沒亦在所不廢至若由縣至州按里分舖沿途不絕如線究厥成規則有張君申詳勒石在焉記詳見藝文

縣前舖

苗里各  
音輪應

金鳳舖

民里一音應之

鷹鷄舖

民里二音應

黃田舖

民里三音應之

朝陽舖

民里興文應

煙燉舖

民里四音應之

天在縣志

上卷

三十一

富圍舖

民里新里應

飛山舖

民里坊廂苗里二  
音共應之係半舖

辰陽驛馬價

洪江驛水夫

俱不在縣治內每年撥  
補銀兩詳見丁賦

坊鄉

攷坊鄉之名所以別里圖統排甲也而內外遠近之義備焉天柱舊轄三苗朱君新割五里清丈田賦增一新里於四崗之中加半坊廂于六里之外寨畝有別里甲攸均鄉約以解其紛千保以均其役一好尚而同風俗此道得之至若馭苗之法歸化定其各賞款鼓舞其義區其圖自一而三統其人維苗與漢殆所謂內以制外近以控遠之意與嗟乎吾觀諸苗非難格也要在通事洞長廉得其人期于公忠清慎而已然統斯通事洞長者不又當如是耶

坊表

金精玉粹

明辰州府節推李紹道駐天柱贊勸改縣三年告成民苗立坊頌德後遇兵火新立之更題各天朝柱石

光孝坊

通渠坊

恤軍坊

愛民坊

武定坊

永寧坊

阜國坊

安富坊

迎恩坊

太和坊

永興坊

永政坊

龍泉坊

以上各坊在城俱遇兵火無存

安樂鄉一皆在縣東西廣五十里

計寨分三十

雷寨

稿寨

蒙寨

伍家寨

烹寨

白毛寨

坪鴉寨

小水寨

暮頭寨

田心寨

旺寨

江頭寨

岩寨

戈寥寨

巴晚寨

巴丹寨

裸寨

龍寨

悶松寨

博皮寨

填寨

九寨

雲盤寨

幟頭寨

哺洞寨

下黃寨

老虎壘

岩凹寨

天柱縣志

上卷

三十三

龍章寨

八頌寨

安樂鄉二皆在縣東北廣七十里

計寨分四十四

長團寨

岩門寨

度暮寨

度馬寨

新丹寨

江東寨

汶溪寨

老團寨

舊團寨

金溪寨

黃勞寨

七層寨

盧山寨

和尚坡

自坪寨

濫溪寨

白岩塘

土庫田

羅冲寨

打油坪

苗溪寨

莆山寨

八十田

石牛岩

盧笛寨

蔣家寨

羅家寨

大塘頭

瓜冲寨

廖家寨

三角冲

大羅田

岩寨

洪坡寨

三百段

木冲溪

宋家坪

長灘寨

白岩坡

楓塘冲

桃竹洞

竿子溪

應家庄

標木凹

安樂鄉三箇在縣北廣八十里

計寨分三十七

金紫寨

平溪寨

柳溪寨

襄洞寨

塘柴寨

巨潭寨

客寨

地鎖寨

翁廛寨

平地寨

強將寨

都甫寨

蔽寨

藍田寨

謝甲屯

重版屯

天在縣志

上卷

三十四

楞寨

王家寨

在頭寨

黃晚屯

梭平屯

阿陽寨

瓦窰江

聚溪寨

大段寨

永泰寨

官庄

上注溪

貢溪寨

三义塘

皮野寨

藥瓦寨

翁道寨

下注溪

永寧哨

禾稿寨

陽和寨

中鄉寨

安樂鄉四箇在縣西北廣四十里

計寨分二十三

邦洞寨

邦洞屯

高寨

畔溪寨

三團寨

陂頭寨

木樓寨

官舟寨

約寨 杞寨 劉家寨 崖脚寨

上高野 中高野 下高野 擺頭寨

血團寨 龍寨 平蠻寨 能溪寨

山蠻寨 岔溪寨 了溪寨 賴洞寨

遠口鄉與支里在縣東廣七十里 計寨分二十九

鷓鴣寨 雲塘灣 遠口寨 矮寨 遠口堡

遠口寨 老寨 新市 遠洞寨 黃田寨

砲團寨 和尚坡 地湖寨 新寨 北湖寨

下河寨 佑家寨 岩虎口 大墓寨

天柱縣志  上卷 三五

新團寨 中團寨 下寨 坡頭寨

原田寨 半山寨 會田寨 漫泥田

安朗寨 羅家寨 暮山寨 安架寨

長田寨

新增里雜處四鄉 計寨分二十

雷寨 江頭寨 大冲寨 望寨

田心寨 賽會寨 伍家寨 白岩寨

坪地寨 度暮寨 度馬寨 高寨 江東寨

冲登寨 新舟寨 頭寨 小龍寨 竹鳥寨

小黃寨

注溪寨

祭溪寨

血團寨

坊廂里半

雜四洞兩所

天柱所

汶溪所

以上一百八十三寨二所俱係天柱縣民

編戶六里一廂

歸化鄉一畱在縣西南廣五十里

計寨分二十五

高釀寨

板寨

醬寶寨

桐木寨

美蒿寨

隆寨

絞環寨

富冲寨

唐寨

邦寨

口洞寨

地扼寨

革列寨

甘洞寨

地良寨

少洞寨

冲革寨

木杉寨

界牌寨

亞達寨

天柱縣志

上卷

三十六

夏寨

章寨

定寨

平地寨

鬼上寨

歸化鄉一畱在縣東南廣三十里

計寨分七十六

上平寨

洞頭寨

中寨

苗章寨

春花寨

楊柳寨

茅坪寨

野田寨

地旺寨

羊山寨

溪頭寨

龍塘寨

牛場寨

楞洞寨

邀營寨

唐恩寨

甘溪寨

廣溪寨

圭瓚寨

奔溪寨

麥溪寨

田冲寨

銅鼓寨

芹香寨



溪寨

擺溪寨

野鷄冲

苗溪寨

上下寨

敗灘寨

江口寨

姚家溪

漫頭寨

下平寨

溪口寨

陡坡寨

新寨

上大溪

下大溪

浦頭寨

鮑塘寨

中寨

鴉地寨

偏坡寨

金坪寨

銀洞寨

合冲寨

烏坡寨

蔣溪寨

黃土段

鬼井寨

龍家寨

菜溪寨

唐硬寨

三門塘

喇賴寨

空處寨

大冲寨

清浪寨

地畧寨

天柱縣志

上卷

三十七

過江溪

翁冲寨

地空寨

楊家寨

剪刀坡

冲脚寨

竹寨

劉家寨

李木寨

舊樓寨

翁養寨

新民鎮

鄧家寨

小江寨

半溪寨

陽豆寨

歸化鄉二畝在縣西北廣八十里

計寨分五十四

漢寨

凱寨

皮厦寨

謝寨

冷水寨

鷄蛭寨

芦拜寨

擺洞寨

勒洞寨

高渺寨

高哨寨

皇徐寨

直營堡

直營寨

高亭寨

老寨

高鳥寨

高疆寨

濯溪寨

鐵廠寨

相公塘

坑頭寨

魚塘寨

巧溪寨

鬼邦寨

裏革溪

外溪寨

高坡寨

平陶寨

屯佑寨

鬼拈寨

鬼拈寨

鬼拈寨

下寨

斗你寨

高辨寨

斗潘寨

王喬寨

高枯寨

平暮寨

寨妹寨

芹蒲寨

坐鵝寨

地笋寨

新民庄

悶洞寨

來溪寨

金井寨

老來寨

溪寨

春花寨

白奔寨

暮溪寨

地茶寨

天柱縣志

上卷

三十八

晚上寨

米溪寨

以上一百五十五寨朱君撫化編里當差願爲良

民百餘年來頗通禮教

田賦

嘗攷禹貢荆楚土塗泥田第入等賦第三等以地  
潤而人工修也柱邑爲楚岩疆雖廣袤百里而頃  
田僅七百八十餘無長源灌溉無萬畝盈郊地非  
潤也加以兵火流離哀鴻甫集卽豐年所入有正  
供而無衣食人工亦未盡修也所恃牧斯土者用  
一緩二寓撫字于催科庶不致驅而餓之疾而走  
之以自絕于征求之路焉

按照康熙四年新訂全書額載實在中則田七百五

天柱縣志

上卷

三十九

十二頃一十七畝八分二厘

五里一廂 每畝科糧一升七合一勺  
輿文一里 每畝科糧二升九合七勺三抄

共科秋糧一千四百三十六石一斗三合六勺二抄  
每石額徵條銀一兩一錢六分五厘一毫四絲五忽  
六微五塵九纖二渺三漠

共徵銀一千六百七十四兩七錢五分九厘九毫二  
絲六忽九微

原額中則地二十六頃四十四畝一分六厘二毫每  
畝科則不等

共科糧二十石三斗四升九合一勺一抄

每石照前則例

額徵銀二十二兩五錢六分五厘四毫三絲三忽五

原額中則塘三頃一十二畝八分九厘七毫

每畝科則不等

共科秋糧六石一斗四升六合八勺

每石照前則例

額徵銀六兩八錢一分六厘二毫四絲九忽六微

內原荒田二十三頃一十九畝六分五厘二毫四絲

荒糧三十九石六斗五升九合一勺一抄九撮九圭

無徵銀三十七兩九錢八分五厘七毫

天柱縣志

上卷

早

順治十六年開墾田六頃四十七畝二分八厘五毫

科糧一十二石六斗三升九合一勺八抄九撮

該墾銀一十三兩八錢二厘三絲五忽八微

已于康熙元年

起科

康熙元年開墾田八頃三十一畝四分七厘四毫

科糧一十六石六斗四升一合八勺三抄七撮

該墾銀一十三兩九錢七分五釐二毫三忽六微三

塵六纖八渺

已于康熙四年起科訖

康熙二年開墾田八頃四十畝八分九厘三毫四絲

科糧一十石三斗七升八合一勺九抄三撮九圭

該墾銀一十兩二錢八厘四毫六絲五微六塵三纖

二渺已于康熙五年起科訖

實在原熟并逐年開墾共成熟原額田地塘共計七百八十一頃七十四畝八分七厘九毫

共科糧一千四百六十二石五斗九升九合六勺三

抄

共徵銀一千七百四兩一錢四分一厘六毫一絲丁

帶泐

在內

天在縣志

上卷

四十一

明季萬曆末年加泐地畝九厘遼餉每秋糧一石加

徵銀一錢八分三厘九毫五絲一微一塵二纖八渺

四漠

共徵遼餉銀二百六十八兩九錢七分九厘五毫五絲

以上條遼并加徵秋米共該實徵銀壹千九百七十

三兩一錢二分一厘一毫六絲人丁帶泐在內

康熙四年奉文豁免西山故夫八丁隨糧編泐銀二

兩

實徵銀壹千九百七十一兩一錢二分一厘一毫五

絲以上係六里一廟輪手應  
役徵收五年編審一次

歸化三里原額無畝本色苗糧實該上倉米一千三

百一石八斗四合

內照舊例配支糜生排夫舖兵考兵渡夫銀米兼支抵補工食不足

其餘存米支放駐防月米并給孤貧口糧年終造冊赴糧道報銷

歸併天柱所原額中則屯田三十二頃四十畝三分

三厘三毫地塘合筭在內

照靖州衛則例每畝科糧一斗五升

該糧四百八十六石五升

照靖州衛每石徵折色四錢一分

共該折色銀壹百九十九兩貳錢八分五毫

每年全徵解同

充餉

天柱縣志

上卷

四十二

歸併汝溪所原額中則屯田一十一頃零六畝

照前則例

該糧一百六十五石九斗

照靖州衛則例每石徵折色四錢一分

共該折色銀六十八兩一分九厘

每年全徵解司充餉

以上兩所共糧六百五十一石九斗五升

共徵折色銀二百六十七兩二錢九分九厘五毫

土名阜定寨地方中則學田大小二十一坵該稅三

十二畝係苗田每畝徵租穀六斗九升八合五勺共

徵租穀二十二石三斗五升

土名阜園官庄地方下則學田大小一十六坵該稅

二十三畝七分係民田每畝徵租穀三斗二升二合  
七勺八抄四撮八圭一粒共徵租穀七石六斗五升  
以上二處學田俱係建縣時朱君罰贖并捐俸所置  
每年共徵租穀三十石內除穀二石完納正賦外仍  
存穀二十八石原爲賑給在學貧生而設後奉清查  
充餉每穀一石遵照

部定價值折銀三錢五分每年共該折銀九兩八錢  
因康熙十九年分租銀各貧生領用在先後奉文進  
解充餉見任王令念貧生寒苦何能追取隨自捐俸

天在縣志

上卷

四十三

銀九兩八錢解赴

布政司交納獲批訖其自康熙二十年起每年租穀  
折價銀兩遵依

部文查明本學實廩生員並極次貧生各平均給按  
年造冊申報

奏銷永著爲例

昔宋仁宗問戶口繁息幾何而李文靖不以對恐  
天子富春秋生侈心也大臣忠君謀國之意深且  
遠矣天邑民苗各異額丁有差自兵燹以來戶口

凋傷什之三四所企十年後生聚教訓而桑麻百  
里煙火萬家自儼狀王者民也守斯土者敬之哉

原額漢彝人丁五千四百九十丁係會同縣原額招  
練五百九十二丁增出四千八百九十八丁內民成

丁八百二十一丁幼丁一百二十三丁俱係一體編差隨糧徵派

天柱縣志

上卷

四

康熙四年奉文豁免西山故夫八丁查照明季萬曆

年間每丁派銀貳錢五分該除銀貳兩於糧銀內扣除

實在人丁五千四百八十二丁照例隨糧帶派在內

三里苗丁原額四千五百四十六丁內照明季志書減除苗丁五百

五實在苗丁四千四十一丁每丁歲納鵝一隻折銀三分

共徵鵝折銀一百二十一兩二錢三分

以上人丁共實在九千五百二十三丁

地丁遼餉并鵝折共實徵銀二千九十二兩三錢五

分一厘一毫六絲除豁免故丁銀二兩在外



本縣六里一坊廂通年七十戶

册糧贖零各戶附于本管戶內

苗里舊設通總三名通事三十六名今改設糧長尙

長催辦丁銀秋糧赴縣上納

天柱所歸併後分立一十二戶

東四戶南四戶北四戶

汶溪所歸併後分立一十五戶

前所七戶半後所七戶半

起運

戶部項下

夏秋本折起運無

玖厘遼餉銀貳百六十八兩九錢七分九厘五毫

天柱縣志

上卷

四十五

五絲

清出苗丁鷄折銀壹百貳十壹兩貳錢叁分

歸併

天柱汶溪

二所屯餉銀貳百六十七兩貳錢九分

九厘五毫

禮部無

工部項下

秋糧折色起運

胖襖褲鞋

二十九副每副一兩二錢水腳三錢

共銀貳十八兩五錢

內除豁免故丁銀

三分三厘四毫四絲七忽九微二塵四纖九渺

綾紗紙價銀八兩一厘六

之年方派不  
徵

光祿寺項一

甲丁庫供應顏料菓品等銀叁十九兩六錢貳分

五厘

內除豁免故丁銀

四分六厘伍毫四忽  
三微五塵一渺

以上起解

戶工光三部寺共該原額銀七百二十五兩六錢三

分四厘五絲內除故夫丁銀外

詳見上

實徵起解銀七百二十五兩五錢五分四厘九絲

天在縣志

上卷

四十六

七忽七微二塵五纖

舊編存畱奉裁充餉

順治九年裁各役工食銀貳百貳十八兩八錢

此項  
撥補

不足經制  
無銀裁解

順治十四年裁薪廩等銀貳百四十八兩六錢九分

九絲八忽七微

此項撥補不足  
經制無銀裁解

順治十六年裁馬快草料等銀貳百六十六兩四錢

內除撥補不足經制銀貳百壹兩  
壹錢七分四毫九絲一忽三微外

實裁銀六十五兩貳錢貳分九厘五毫八忽七微

康熙元年裁廩糧書辦等銀壹百四十六兩五錢三分三厘三毫三絲四忽

康熙四年續裁教諭門斗工食銀七兩貳錢

以上通共裁銀八百九十七兩六錢二分三厘四毫三絲二忽七微內除撥補不足經制銀六百七十八兩六錢六分五毫九絲

實裁銀貳百壹十八兩九錢六分二厘八毫四絲二忽七微內又共除故丁銀貳錢五分六厘九毫七絲七忽二微六塵六纖

天在縣志

上卷

四十七

實裁起解銀貳百壹十八兩七錢五厘八毫六絲五忽四微三塵四纖

原裁江東司巡檢官役弓兵俸食除裁入節年裁款外 該銀六十九兩三錢五分

除豁免故丁銀

入分一厘三毫入絲九忽九微四塵七纖

實徵銀六十九兩貳錢六分八厘六毫一絲五塵

三纖

以上 各部寺地丁條遼苗丁鷄折歸併屯餉節年裁款及原裁江東司官役俸食共銀壹千壹十

三兩九錢四分六厘八毫九絲二忽七微

內共除免故丁銀四錢壹分八厘三毫一絲九忽  
四微八塵八纖

實徵起解條遼等項壹千壹十三兩五錢二分八  
厘五毫七絲三忽二微一塵二纖

雜運

康熙二年奉裁廩生廩糧米四十石每石折銀四錢

共銀壹十六兩每年解司充餉

全書刊載每年額徵木稅銀三十兩解司充餉

天柱縣志

上卷

四十八

存畱經制款項

本縣知縣一員

俸銀六十三兩四錢九分  
順治十四年裁一十八兩四錢九分

存銀四十五兩

心紅紙張銀貳十兩

修宅家伙銀貳十兩  
順治九年全裁

油燭銀壹十兩  
順治十四年全裁

迎送上司傘扇銀貳十兩  
順治十四年全裁

吏書一十二名  
每名歲支工食銀一十兩八錢共銀壹百貳十九

兩六錢

順治九年每名裁銀四兩入錢康熙元年全裁

門子二名

每名工食銀七兩二錢順治九年各裁銀一兩二錢

存銀十二兩

皂隸一十六名

每名工食銀七兩二錢奉裁同上

存銀九十六兩

馬快八名

每名歲支工食銀一十八兩順治九年各裁銀一兩二錢順治十六年全裁草

料銀八十

六兩四錢存銀四十八兩

民壯五十名

每名工食銀七兩二錢順治九年各裁銀一兩二錢順治十六年裁三十

名裁銀一

百八十兩存銀一百二十兩

燈夫四名

每名歲支工食銀七兩二錢存銀二十兩順治九年各裁銀一兩二錢

四兩

天在繁志

上卷

四十九

看監禁卒八名

每名歲支工食銀七兩二錢順治九年各裁一兩二錢

存銀

四十八兩

修理倉監銀二十兩

轎傘扇夫七名

每名歲支工食銀七兩二錢順治九年各裁一兩二錢

存銀

四十二兩

庫書一名

歲支工食銀一十二兩順治九年裁半康熙元年全裁

倉書一名

歲支工食銀一十二兩順治九年裁半康熙元年全裁

庫子四名

每名工食銀七兩二錢順治九年裁同上

存銀二十四兩

斗級四名

每名歲支工食銀七兩二錢裁同上

存銀二十四兩

典史一員

俸銀叁十壹兩五錢貳分

書辦一名

歲支工食銀七兩二錢順治九年  
裁銀一兩二錢康熙元年全裁

門子一名

皂隸四名

馬夫一名

以上每名工  
食銀同上

共存銀叁十六兩

鎮遠司巡檢一員

俸銀叁十壹兩五錢貳分

書辦一名工食銀七兩二錢

順治九年裁同上康熙元年全裁

天柱縣志

上卷

五

皂隸二名

裁同上

共存銀壹十貳兩

江東司巡檢一員

俸銀叁十壹兩五錢貳分

查照明季全裁  
逐年解司充餉

書辦一名

全裁同

皂隸二名

順治九年  
裁銀同上

存銀壹十貳兩

查照明季全裁  
逐年解司充餉

儒學訓導一員

俸銀叁十壹兩五錢貳分

學書一名

康熙元年  
年全裁

門斗三名

康熙四年  
奉裁一名

存二名工食銀壹十四兩

四錢

齋夫六名 每名工食銀一十二兩 共銀七十貳兩

膳夫二名 每名廩給銀二十兩 順治十四年奉裁三分之一 存銀壹十

三兩三錢三分三厘三毫三絲三忽三微

喂馬草料銀壹十貳兩

撥運

科舉銀貳兩

曆日銀壹兩

一驛站

協濟辰州府辰陽驛馬三匹正閩銀壹百五兩七

天柱縣志

上卷

十一

分貳厘五毫

洪江驛水夫銀壹十貳兩貳錢

均徭

各路舖司兵二十二名 每名工食銀二兩五錢八分三厘三毫 共

銀五十六兩八錢三分二厘六毫 又每名我支米六石二斗五升

共米壹百叁十七石五斗 近奉將米裁半

鎮遠司弓兵二十名 每名工食銀二兩六分六厘六毫 共銀四十

壹兩叁錢叁分貳厘 順治十四年奉裁一半 存銀貳十兩陸

錢六分六厘 我支米數同上 共米壹百貳十五石 近奉將米全裁

江東司弓兵二十五名

工食同上共銀五十壹兩六錢

六分

裁半

存半解司充餉

我支米數同上

共支米壹百五

十五石三斗五升

此項照明季久裁銀米俱解充餉

鷓鴣江東二處渡夫二名

工食照上弓兵支給全年裁半

存銀貳

兩陸分六厘六毫又每名找支米五石共米壹十

石

近奉將米全裁

小江渡夫一名工食銀七錢七分五厘

同年裁半

存銀

三錢八分七厘五毫又找米壹石八斗七升五合

近奉將米全裁

天在縣志

上卷

卷五

各渡修舡銀貳兩壹錢

同年裁半

存銀壹兩五分

走遞夫馬

本縣排夫二十名

每名工食銀二兩五錢八分三厘三毫三絲

共銀五

十壹兩六錢六分六厘六毫

找支米同

共支米壹百二

十五石

此項全裁不用銀米俱起解克餉

脚馬八匹工料銀壹百三十九兩二錢

此項銀每年解驛糧

道衝用

開銷

祭祀

龍亭儀仗修理銀壹兩



文廟二祭共銀四十兩

啟聖祠二祭共銀七兩

山川社稷二壇共祭銀二十二兩

邑厲壇三祭共銀壹十二兩

香燭米銀壹兩三錢二厘

鄉飲二次共銀一十二兩順治十四年裁半存銀六兩

霜降祭祀銀壹兩五錢

雜支

廩生二十名每名廩給銀五兩六錢共銀壹百壹十貳兩順治

天柱縣志

上卷

五十三

十四年奉裁三分之二康熙二年全裁又每名配支米六石共該米壹百貳十

石順治十四年裁去八十石作防兵月糧康熙二年全裁折銀充餉

歲貢盤纏銀壹十五兩

歲貢生員花紅旗匾脚力銀共六兩內脚力銀二兩正陪二各

分

朝覲盤纏銀壹十三兩順治十四年奉文每年裁去二分存銀四

兩三錢三分三厘三毫三絲四忽

提學道歲科考生童試卷銀四兩順治十四年裁半存銀

貳兩

科舉生員盤纏銀九兩三錢三分三厘三毫合三

年共

支以十  
名為率

春牛芒神門神桃符等銀貳兩貳錢順治十四年全載

孤貧十名歲支布花銀三兩

供應銀四十兩順治十四年全載

備用銀四十七兩八錢

以上存畱各官役俸食驛站均徭夫馬祭祀雜支

等項共銀壹千三百四十七兩七錢三厘七毫六

絲七忽三微

天柱縣志

上卷

五

內除豁免故丁銀壹兩五錢八分一厘六毫八絲

五微一塵二纖各照款項多寡數目除減詳見全書

實徵銀壹千三百四十六兩一錢二分二厘八絲

六忽七微八塵八纖每年遵照款項按數解支

湖課匠班等項銀無

附批准照糧派差詳文

湖廣直隸靖州天柱縣爲照糧之憲恩已施肆股之僞例宜革叩詳勒石永除後害事據本縣紳衿里民楊應元蔣正時羅君鼎羅尚賢楊有標楊承孺武耆定陳加級楊奇楫張德會吳興都楊仕貴蔣陶池楊游胡楊國祥等詞稱天柱縣係極邊苗邑正賦未滿貳千兩名雖爲縣其實不及別屬一殷實之家自明季萬曆年間改所建縣一應差事俱照依額糧分派民無偏枯之累不意僞逆盤踞之時苛政虐民差

天柱縣志

上卷

五十五

事不論額糧止論股數遇有一事肆股分派靖州壹股綏寧縣壹股會同縣壹股通道天柱兩縣共壹股而天柱又認此壹股中之柒分通道止認此壹股中之叁分但靖州有額糧陸千叁百餘石綏寧會同額糧約記亦共有壹萬伍拾餘石而通道止額糧捌百玖拾餘石天柱止額糧壹千肆百陸拾餘石合通道天柱計筭止共有額糧貳千叁百餘石是通天兩縣之糧尚未及綏寧會同之半安得竟以壹股分派連年軍需緊急恐于遲悞未敢控籲有力者賣屋賣田

無力者賣妻賣子公事雖勉強完杜實係割肉醫瘡  
僅存皮骨隅泣難堪去歲遵奉 藩司天恩酌議照  
糧當差申詳 偏撫都院大老爺批允通飭一例奉  
行誠爲至公盛舉又蒙縣主出示曉諭凡在屬民無  
不手額歡呼共沐 憲恩於無既身等窮蟻幸處光  
天化日之下二函圖永除後患之謀叩乞縣主上遵  
憲檄下恤民艱脩文詳明 各憲大老爺嗣後如有  
差事無論大小靖屬一州四縣必照各徵額糧之多  
寡從公分派將僞逆所遺肆股分認之陋例盡行革

除勒石縣前以垂永久庶苦樂得均殘黎稍存一綫  
而州縣一視則 憲恩真同七級矣事切剝膚望恩  
哀訴等情具詞投縣據此該本縣知縣王復宗查得  
糧從地起差隨糧辦誠至公不易之良法也天柱彈  
丸苗邑僅編陸里壹廂額糧止壹千肆百餘石屬在  
靖州之末往例差事照糧分派苦樂適均民稱其便  
後因僞逆更改舊例差事不論糧而論股將通道天  
柱合爲壹股與靖州及綏寧會同貳大縣照股均應  
竟不思綏會共有額糧壹萬伍拾餘石通天止共有

糧貳千叁百餘石卽將兩小縣併爲一處未及綏會  
之半安能與兩大縣爲之頡頏乎不均之累匪朝伊  
久矣去歲遵奉 藩司洞悉民情議定照糧當差申  
詳 憲臺批允飭行遵照 卑縣仰體如天 憲恩隨  
經出示曉諭通縣之項戴 恩施者不啻出諸水火  
之中但小民害切剝膚唯恐日久法弛又踰覆轍歎  
干沐 恩之際卽爲防患之圖具詞呈控請將從前  
四股均應僞例勒石永禁雖係愚民之過慮然亦除  
害務盡根株之意也 卑縣忝司民牧理合代爲申達

天在縣志

上卷

五七

仰祈 憲臺大施惻隱俯念殘黎困苦已久今幸獲  
甦息應與安全嗣後如或有奉派一應差事唯遵照  
糧當差之 新恩永革四股分派之僞例批准勒石  
以垂久遠以杜後患庶縣額之大小有所分別民力  
之勞逸得免偏枯則 憲臺始終大恩真同高厚不  
朽矣緣係勒石禁革事理可否允行必候 憲裁定  
奪又非 卑縣所敢擅便者也擬合申詳爲此今備前  
由另具書冊具申伏乞 照詳明示遵奉施行須至  
申者

康熙二十四年二月十六日知縣王復宗典史呂金聲奉

巡撫偏沅等處地方提督軍務兼理糧餉都察院右副都御史丁 批如詳勒石永禁繳

奉

湖廣湖南按察使司分巡辰沅靖道王 批旣先經

藩司議以照糧應差詳明

撫憲批久在案仰卽勒石遵照繳

奉

天在縣志

上卷

五

湖廣直隸靖州正堂祝 批業經轉詳

藩憲矣仰侯批示行繳

土產

嘗攷禹貢之經別土性辨物宜蓋山林川澤之利  
爲民生日用需苟不爲之樽節愛養其間是亦王  
道之未備也天柱雜處山隅所產雖不聞珍異而  
凡飛潛動植布帛泉刀之屬亦足以通食貨廣源  
流余故採而列之以著于篇

穀之屬

稻黍稷菽麥林梁芝麻菴

稻處一而黍稷之類八  
恐時之不成昔人所以

多其備而爲之較也遍觀邑人所藝者唯早中晚  
三禾其余所收無幾是在司牧者多方而教藝之云

天柱縣志

上卷

五十九

布帛之屬

絲絹無  
綿葛最麤疎

果之屬

桃杏李梅棗柿梨栗橙柚柑橘枇杷石榴核桃冬

桃烏桃銀杏楊梅林檣

蔬之屬

芥茄蘿蔔芹芋莧蔥蒜韭苘蒿甜菜苦蕒蒿苣菠

菜瓜葫蘆笋蕨荳莢

花之屬

牡丹芍藥紫薇月桂茶蘼海棠玉簪鳳仙芙蓉碧

桃紅梅鷄冠薔薇金鳳石竹茉莉百合木槿香花  
龍爪百日紅剪羅紅夜落金月月紅秋海棠映山  
紅鋪地錦金銀花十姊妹蘭蕙葵榴蓮桂菊以上  
四時俱備

草之屬

鳳尾龍鬚虎耳狗尾馬鞭魚香包茅木賊芭蕉苜

蒲艾蒿蓼藻

藥之屬

黃精香薷薄荷茱萸枸杞何首烏乾葛香附荆芥

天在縣志

上卷

六

紫蘇葶藶薏苡蒼耳稀荻面香當歸牽牛五加皮  
土牛膝桔梗常山知子天冬地冬山茶黃白

竹之屬

筋竹紫竹白竹水竹斑竹苦竹實竹籜竹

木之屬

杉楓松栢桐梓椿槐栗柳桑柘檀楮棕樟楮梲梲梲

莢白楊鬼柳冬青樅

雜貨之屬

楮子花椒木耳蠟虫桐油茶油菜油麻油蜂蜜



音之屬

牛羊豕犬鷄鴉鵝

禽之屬

鴿鴉鵲鳩鴛鴦錦鷄鷹鷄白鷺竹鷄雉燕鶴鶉子  
規鸕鶿黃鸝鳩鷓鴣鳧翠西倉麻雀

蟲之屬

蜂蝶蟬蛙蜈蚣蜥蜴蛇螢蠅

獸之屬

虎豹豺狼獐猿兔鹿野牛山羊野豬狐狸豪豕

天在縣志

上卷

六十一

鱗之屬

鯉鯪鯖鮒編鯽

介之屬

龜鰲螺蚌

天柱縣志下卷

目錄

職官

兵防

選舉

名宦

人物

仙釋

災異

藝文

詩歌附

天柱縣志下卷

天柱縣知縣事王復宗彙輯

職官

古者承流宣化與天子共治天下者厥唯守令夫  
守令與民最親得其人則治不得其人則不治然  
有可以建明當時表彰後世而令其湮沒不傳則  
又邑賢士大夫之過也查舊志自朱君手定而下  
何後起而纂修者竟未之或聞夫前令之不忘後  
令之師也余也遵奉修明之

天柱縣志

下卷

一

令彙取而次列之其詳其畧有則書之俾後之君子

閱其詳畧庶幾是則是倣之母忘

文職

知縣一員

典史一員

教諭一員

後改訓導

倉大使一員

久裁

僧會司

無

道會司

無

陰陽學典術

無

醫學典科

無

鎮遠巡檢司巡檢一員

江東巡檢司巡檢一員

久裁

知縣

朱梓

字柳津淮安府贛榆縣人萬曆十九年任所吏目二十五年陞縣令有異才建縣學築城樓清田賦編里甲安哨堡立市鎮尊賢養士易俗移風信格異豚化行苗醜善政難以枚紀九載考滿去之日叟童環泣立去思碑有像以祀者至今勿衰詳見碑記更崇祀

各宦焉

李紹道

江西臨江府清江縣舉人萬曆三十五年任清靜亭一不事紛更凡朱令之所制者守而勿失民心愛戴立祠縣前以尸祝之陞四川叙州府撫民通判

韓可興

河南開封府許州長葛縣人由歲貢萬曆三十八年任居官嚴厲不輕色笑時稱韓哭面焉苗人聞風喪胆四野無虞著有孝弟歌以醒民之不睦者去之日為立祠陞

天柱縣志

下卷

二

長沙府

楊師震

貴州鎮遠府人貢生萬曆四十三年任四川富順人副榜萬曆四十六年任政事文章士民攸頌解組時為立祠肖像

趙海

四川人舉人天啟二年任申詳各憲洗刷陋規革公羨簡常例正斗斛除蠹積勒石垂型飲永茹藥推循良者公其一焉惜乎以丁艱去而民不得久被其澤然居廬時尤以家禮率民不崇佛老深得孔孟真傳

袁宗顯

山西平陽府趙城縣人舉人天啟五年任執法絕民不徇情面得子產火烈之訓有苗亂罰建鐘鼓樓于南街後毀之

王承祖

四川中州人歲貢崇禎元年任

李治

北京大名府人蔭生崇禎三年任居官清正矢念仁慈急流勇退告歸田里去之日

囊橐蕭然

王良鑑

江南廬州府霍山縣人選貢崇禎五年任勸士愛民除奸弭盜

石之鼎

貴州黃平州人由歲貢崇禎八年任著有好人歌以勸民

黃光衡

四川中州人拔貢崇禎十年任才識明敏洞燭吏弊諸凡會計一掌而知尤能作興

士于陞靖州知州

林爾張

福建莆田人拔貢崇禎十三年任陞靖州知州

牛化龍

北京人崇禎十五年任

何化龍

崇禎十七年任

天柱縣志

下卷

三

國朝

張士龍

江南人順治十五年任兵燹之後集哀鴻賑飢荒申章狂道夫馬民困少蘇

黃開運

順治十七年任遷學枝葺橋梁創北樓新祠獄設建二哨控馭三苗展甬墻外之街

立文昌閣蒞官肅穆處事精明豈弟作人誠求保赤當道以民之父母錫額癸卯科行取入闈中式陳于筵聯捷歷九年以寬和著民歡戴之爲立祠碑陞北堂定州知州

熊忠弼

江西豐城人舉人康熙八年任

方天祺

字杜庵福建莆田人舉人康熙十年任以渾厚著惜士愛民壬子科行取入簾遺有

家訓課民

夏戩英

浙江紹興人康熙十九年任有胆力兵馬往過嘗與之抗民賴以安

王復宗

字元一貴州安順府普安州已酉科舉人庚戌科會副于康熙二十一年任為民申

詳院藩州憲革除四股差徭自甘恬素永禁供應捐助資興建立義館遷造學宮查取歷年學租分給邑中寒士往往禱雨應期民為謠曰唯我王公召父杜母盡革陋規除我世苦甲子科行取入闈得門人五皆楚寒士錚錚有聲

典史

明

周嗣元

江南鳳陽府盱眙縣人萬曆二十七年任

林本翠

萬曆三十四年任

梁時果

江西人萬曆四十年任

天在縣志

下卷

四

徐盈

天啟元年任

陳瀛洲

北京人天啟五年任

楊時茂

北京人崇禎四年任

梁棟

江西人崇禎七年任

國朝

查國珍

金陵人順治十八年委任頗得人心奉遷學校收辦軍需輒有成效焉更為民重立

飛山廟以便祈禱

陳嘉謨

浙江寧波府慈谿縣人康熙二年任才堪贊治盜息民安委修城橋祠廟煥然就緒

丙午科取辦入簾復創典衙諸苗帖服以丁艱去後補授

葉儀

北直人康熙六年任

呂金聲

字仲鳴浙江人康熙十九年任屢奉公羨悉能措辦處事不苟居官以貞

敬諭

明舊志未詳俱從其畧

陳朝疏

貴州烏撒衛人由歲貢  
萬曆二十六年任

陳九韶

雲南姚安府人由歲貢  
萬曆二十八年任

李一夔

萬曆三十一年任

劉祖堯

雲南臨安府人由歲貢  
天啟二年任

洪名盛

貴州平溪衛人舉人  
天啟五年任

邊尚漢

崇禎五年任

李登元

靖州人由歲貢  
崇禎八年任

天柱縣志

下卷

五

蕭楚望

辰州府舉人  
崇禎十年任

國朝

伍臣

衡州府臨武縣人  
順治十五年任

楊鵬

常德府人由歲貢順治十七年任  
補武昌學

彭海舟

寶慶府邵陽縣人由歲貢  
康熙五年任

陳之賓

黃州府黃岡人由歲貢康熙九年任  
每月捐俸課士文學以興

蔡之元

岳州府華容縣人由歲貢  
康熙十九年任  
陞邵陽學

蔣向震

永州府零陵縣人由歲貢康熙  
二十一年任  
陞益陽學

蕭二斯

漢陽人貢士康熙二十二年  
任督修學宮時課士子

倉大使

明

吳

齊

福建漳州府海澄人

宋桂郁

浙江建德人

徐應武

舊志未詳其缺久裁

鎮遠巡檢司

明 無考

國朝

劉尚朴

順治十七年任

程

浙江人 康熙二年任

鄭之瑛

江南和州人 康熙十九年任 隨大兵凱復 解蓮軍需頗有勞績

天柱縣志

下卷

六

武職

明

掌印所官二員

天柱汶溪

俱隸靖州衛推掌

千戶五員

鎮撫二員

百戶十員

千戶

薛繼祖

徐弘

胡思忠

鎮撫司

王承爵

蕭秉直

百戶



湯克寬

以上各秩久裁畧載一二

國朝

叅將一員

守備一員

原係都司後改守備

千總二員

把總四員

以上俱係新設

叅將

李孟夏

順治十五年任

楊鳴鳳

順治十八年任兵喪其戚民懷其德去之日立碑以志愛云

關天爵

陝西人康熙五年任兵民相安立碑志愛

葉日星

浙江人康熙二年任

永文俊

康熙十年任

天柱縣志

下卷

七

許朝輔

字通菴福建海澄縣人康熙二十年任禮賢下士恤兵愛民陞雲南騰越州副總兵

民愛戴借寇不從立碑頌德

彭天福

字吉人江南廬州府人康熙二十二年任居官嚴肅不苦兵不擾民焉

守備

田見龍

順治十五年任能禮賢士

錢斌元

江南人順治十八年任

王德明

漢川人康熙三年任文武和衷兵民戴德

劉嗣俊

康熙十年任

關

字鳳山河南人康熙二十年任恩威並著兵民兩安尤能親賢下士

兵防

嘗聞有文事者必有武備凡以安吾民固吾圉也  
天邑雜處苗巢而所治之設大都爲禦苗計朱君  
相共扼要設建哨堡以故苗格民安數十年來  
不聞竊發擾然當日之所防者堡則分調官軍哨  
則團練鄉勇守城不過百餘軍自行屯種不費斗  
糧初無專鎮之官俱分隸于靖衛厥後武備廢弛  
始有六月三日之變若仍其舊置而守望之當不  
至是也

國朝開闢之初調東安營護送知縣張赴任天柱其  
始不過駐節其後遂爲定制竊嘗披圖而攷東有  
靖協南有黎協西有鎮協北有沅鎮天柱攝乎其  
間相去各百里餘苗雖欲跳梁無能爲也但恃險  
負嶠或時阻抗亦須兵以壓之故前令黃議立漢  
寨鴉地兩哨扼其吭而拊其背其殆祖朱君之遺  
意歟至若廢興去留之故則在守土者相其時與  
地而計之可也

天柱所守禦千戶

明洪武二十五年置舊世襲千一百鎮撫十七員額  
軍一千二百名萬曆二十五年改所爲縣止存二  
百二十員名至康熙元年廢絕逃亾軍不滿百歸  
併縣治

汶溪所

明洪武三十年調靖州衛後所移置汶溪寨因名  
焉在縣東北五十里官軍與天柱同至康熙元年  
廢絕逃亾所存無幾歸併縣治

遼營堡

天柱縣志

下卷

九

在縣東三十里萬曆十九年設原官軍六十一員  
名久廢

大平堡

在縣東三十五里萬曆二十三年設原官軍五十  
員名因此地險要遂撤原江堡而移置焉久廢

遠口堡

在縣東五十里洪武二十三年設原官軍一百零  
一員名後因朝陽坡苗人出沒兼此地有司以統  
之遂撤建焉更名朝陽堡久廢

撲頭堡

在縣西四十里原官軍四十六員各舊設于茅營堡在縣東十里萬曆二十五年縣治既成撤建撲

頭山因名焉久廢

永安哨在縣南四十里

西安哨在縣西四十里

平蠻哨在縣西北四十里

永寧哨在縣西北四十里

地損哨在縣西四十里

此哨尤為至要

天柱縣志

下卷

十

大穴哨在縣西四十五里

鬼里哨在縣南十三里

高坡哨在縣南十五里

以上各哨俱萬曆二三十年建募鄉勇守之久廢

天柱營

協鎮叅將

國朝順治十五年調鎮領左右營官兵一千零八員各

鴉地哨撥汛左部官兵一百零一員各

漢寨哨撥汛右部官兵一百零一員各

以上二哨俱康熙初年始建

選舉

按選舉之法或選於里或舉於鄉或賢良方正之科或進士孝廉之列如明經碩彥以逮介冑魁桓自漢唐以迄今茲蓋不一其法矣從來人才不擇地而生天柱雖屈邊隅豈無偉人杰士共相激昂唯是諸生皆彬彬有造而每以明經自域卽一二有志之士率多艱於時勢則樸樸之化未深也願言來守是邦首以作人爲務俾人文蔚起吏治亦光母謂天荒未破而風氣獨斬于鳳城也有志竟

天柱縣志

下卷

十一

成百年必變諸生勉乎哉

貢生

明

蔣彥芳

萬曆二十八年分  
貢考選知縣

沈遐思

萬曆三十年分貢任知縣富才學夫日成  
章多所著述惜未行世

吳希周

萬曆三十二年分  
貢考選知縣

吳道倫

萬曆三十四年分  
貢考選知縣

鄧時舉

萬曆三十六年分貢  
任河南新蔡知縣

吳道弘

萬曆三十八年分  
貢考選知縣

葉朗然

萬曆四十年分貢  
任福建龍泉知縣

楊榮春

萬曆四十二年分  
貢考選知縣

楊季春

萬曆四十四年分  
貢考選知縣

楊上卿

萬曆四十六年分貢任  
貴州教諭言行可師

國朝

宋奎文

二苗人順治十八年  
貢廷試侯選

蔣正葵

城坊人康熙二年貢  
准元年恩選

楊聯芳

四苗人康熙二  
年歲貢

陳天道

二苗人康熙  
十年貢

天柱縣志

下卷

十一

傅巖星

城坊人康熙十八  
年貢廷試侯選

蕭應昌

城坊人康熙  
二十年貢

羅君鼎

與文里人康熙二十  
一年貢廷試侯選

蔣正時

康熙廿年貢議蕭應昌奉  
學道蔣批既無賄讓情弊姑准進授以恤邊庠餘不爲例

明 薦舉

蕭 瑄

城坊人萬曆二十五年以才能舉授撫苗  
把總巡撫江公諱東之旌賞有云體貌魁

梧才堪  
國士

王德正

城坊人萬曆四十六年征貴州叛慰司安  
山增生以才能舉授典軍校尉當道旌賞

有云文藝夙嫻  
穎銳

監生

明

張星燦 城坊人

按明自萬曆而後邑志未修卽舊梓亦付祖龍余採州志並邑之斷簡殘篇得明經十薦舉二大學一自啟願至願治已亥三十餘年其湮沒於選舉薦拔者約畧十有餘人與其載而不詳不若畧而不載又緣此邦朝誠暮僞士亦不幸而播遷流離飲上流釣大澤以博名高者非難其人實難其地

天柱縣志

下卷

十三

也至

本朝正朔一統始得貢士四吳逆倡亂又沉陷五六年

王師恢復又得貢士三士之遇與不遇志之載與不載者天也豈執筆者之故爲闕文哉

柱邑無志大都得之採訪而採訪未確者不載秉筆者之難也况奉

旨纂修搜羅歲餘以成信志毋致模稜疑似叅錯其間又復公餘校定不停筆者幾數月而彙輯始成亟付之剞劂已踰後至之愆矣迨書告竣通邑士子又以其祖若父求載者紛然至或因剖玉之艱致有遺珠之嘆余不敢不虛衷評閱毋闕亦毋濫謹擇其明萬曆四十七年至崇禎十五年明經十九

人順治之七八九年明經又二人崇禎之十三年薦舉一人積登命之梓雖不及列入凡例而實與有明十人

國朝八人出處一轍後先相輝映者如順治之元年  
至六年十年至十七年康熙之十二年冬至十九  
年春又皆僞秦晉與吳逆盤踞茲土悉難恕筆尊  
所統也示無私也余何尤焉

貢生

明



楊國士

興文里萬曆四十七年拔貢

舒弘學

二畝入萬曆四十八年分貢

楊宗守

二畝人泰昌元年選貢

許從新

城坊人天啟元年選貢任江南蕪湖縣丞陞四川重慶衛經歷

龔國宣

城坊人天啟二年貢任長沙府茶陵州學正

李應元

城坊人天啟癸亥年拔貢侯選知縣

蕭之謙

城坊人天啟四年貢

李茂芳

城坊人天啟六年貢

吳萬壽

興文人崇禎元年貢任江南揚州府經歷轉鎮江衛經歷

天柱縣志

下卷

十五

楊仕孝

城坊人崇禎三年貢

蔣有恒

城坊人崇禎五年貢

湯可身

城坊人崇禎七年貢

楊大任

二畝人崇禎九年貢

吳用光

興文人崇禎十一年貢

楊枝棟

城坊人崇禎十三年拔貢

楊應奇

四畝人崇禎十三年貢

舒明哲

二畝人崇禎十五年貢

張應奇

城坊人崇禎十六年拔貢

吳之玉

興文人入黎平府學  
應崇禎十五年貢

國朝

王德隆

城坊人順治七年貢

吳懋修

興文人順治九年貢

薦舉

姚時盛

世襲靖州衛天柱所正千  
戶推掌文溪所屯政

按著書所以明大義也大義明而士之出處正矣  
余採是書雖未敢較吳競之直筆然亦不同於魏  
收之穢史凡有所得必期信以加信詳以加詳斷

天柱縣志

下卷

十六

不致魚目冒珠燕石混玉恐陳之 史館進之

御覽不唯修明者不能辭其責而倖登者又寧能免於  
無過哉舟濟相同筆削所不廢也爰列補遺以告  
無罪

名宦

名宦之祀以報功也嘗攷之祭法曰法施於民則祀之以死勤事則祀之以勞定國則祀之能禦大災則祀之能捍大患則祀之夫祀之道多端宜祀之人不一豈在邑以可祀傳者獨朱君已哉君子之任也行其義也苟內盡其心外潔其事其祀與不祀是又在邑之賢士大夫之責焉

各宦

明

朱梓

淮安人萬曆十九年除所吏目至三十四年任縣令九載赴部考績紳士民苗以朱君十五載之勤勞禦災捍患其德百世思欲世官借寇不從莫知所報肖像崇祀猶不能已按諸祭法其詞以名宦請當道儻其懇爲之題請允以從祀

儒學蕭氏曰賢而令斯邑者在朱侯不待言矣他

如李侯紹道之寧一不事紛囂韓侯可興之嚴厲攝服苗醜趙侯海之循良洗刷陋規王侯昌之政事文章李侯治之仁慈清正袁侯宗顯之不徇情面王侯良鑑之剔除盜賊黃侯光衡之洞燭吏弊張侯士龍之申聿夫馬

黃族開運之寬和方疾天祺之渾厚王族復  
宗之詳華四股派差永禁里下供應遷造學  
宮捐設義館率皆表七賢良有功民社乃不  
盡舉而祀焉亦非天民報德之意也蓋邑志  
前多缺畧以故政息人漣而德澤自在人心  
或待事久論定茲賴王族表章之力俾前賢  
之芳名懋蹟光昭史冊用以俟之異日請以  
合祀于祠詩云有斐君子終不可諱兮其諸  
君之謂乎僭爲之誌

國朝

湖南藩憲即公

諱永清 號定菴

奉天廣寧人由山東棧森使擢任湖

南布政達分藩之始藩病未起過野萊鴻乃招徠撫育民始登衽席且綱紀未立法度察弛公乃銳意釐剔風裁灑然時西山餘孽未靖軍興旁午饋運無缺故得渠魁殲滅公有力焉又念漕運維艱力請改折粵鹽遠運爲累請改食淮鹽民咸稱便又如相俵脩城垣建學宮清理戶口田賦條目井井皆可爲後來法其餘善政尚多茲辨言其大者士民愛戴請入通省名宦立專祠恭享至今不衰

昔丙子秋予筮仕粵西取道湘楚所過人

士輒道分藩之始

方岳卽公仁聲惠政不置口切心識之及歷  
東粵臬幕謬與 卓異奉

旨補授鳳城諮詢利弊輿情陳 公功施爛然

利賴無窮旋承 上檄擬通省紳耆以

公旬宣懋績廣被楚南僅祀長城名宦甚

非 德報功之典夫樹樹皆棠豈盡荷召

公之憇山山有石可編鐫宰傅之碑爰臚

列其豐功偉伐請廣祀於九屬庠序呈諸

當事詳奉 三院批行崇祀及製主入祠

邑之人士莫不歌咏嘉樂誠哉德澤之感  
人深也况 公嗣君子廉訪是邦明刑弼  
敬敬慎哀矜克承先德益信淵源有自予  
小子不敏景仰前徽謹撮 公善政梗概  
及廣祀始末載於志乘以彰懿好俾芳烈  
光於俎豆令聞顯於竹帛云

皆

康熙丁亥季春吉旦西冷虞肇隆謹識

人物

善人國之紀也制作國之典也典無紀不脩紀無  
典不傳以故序列職宦選舉而後次及人物在俗  
被化未深鍾靈有待間嘗訪諸文獻之遺得所為  
耆士節孝若而人亦足以維風範俗若僅取乎富  
貴榮名之說則非所以著書立言之意也

耆德

明

王

棣

萬曆年間城坊人家富挺擢親族歲飢賑  
粵貧窮好施恩必借錢不取年八十餘曾

天柱縣志

下卷

十九

拜壽官額曰耆俊生

入子鄉人稱羨之

楊正二

三節住溪人天啟年間舉解伏者二年入  
十富而好禮遠近之人多羨之

蕭極清

崇禎年間城坊人年七十餘以行且重于  
鄉前令錫之額曰耆德

國朝未載

匹夫而化於鄉者必有君主彥方輩其他則勿論  
也况天柱又為首民叢錯者乎雖有一二謹敎之  
士猶然高枕石頭未敢遽為載筆蓋稽論定信然

哉

士行

士之家修而廷獻者無地無時不可採錄今見杜  
邑雖小而人七搆靈施之珠家七抱荆山之玉未  
易更僕數若畢登諸乘志恐有變搆守而沽名譽  
者又未易深量其人爾多士如金如玉有矢靡他  
無悖七富貴無戚七貧賤以備後之採擇焉

孝子

明

陳 鉞

城坊人母楊氏緇居鉞方九歲撫鉞成立  
鉞事母至孝廬墓三年嘉靖十五年本所

天柱縣志

下卷

二十

火災通延獨存伊茅屋二人以爲孝感所  
致申詳本州旌其門曰水孺節孝

羅 壽

爲父羅明榮恙將危割股救痊靖州甯中  
詳給匾于門

湯克義

城坊人萬曆年間割股嘗羹竭力養親前  
令曾旌賞之

楊文煒

城坊人崇禎庠生割股以療親病後親痊  
活數年前令旌以額曰一念可風

節婦

明

劉 氏

城坊人貢生蔣有燾之祖母年二十二喪  
夫寡居撫子成立閨門嚴肅之虎誰他費

州巡撫江公旌其  
門曰賢婦撫孤

湯 氏

胡王之妻城坊人年十九喪夫守節足不  
輕至中堂撫幼子治家室凜七有米霜操

年七十

喬

氏

城坊人貢生蔣正藻之母年二十良人見背孀居五十載撫子成名前令爲旌表之

給匾

于門

天柱疊罹兵火而孝義節烈之事又爲女子所難  
子每詢之父老僅得其二三有足傳者未可令其  
姓氏湮沒爰載筆以志之以爲後來者勸



仙釋

嘗攷秦皇漢武俊談神仙漢明夢金身丈六而仙釋之說自茲始閱數千百年與吾儒參之以故黃冠緇衣者流實居乎方之中而各遊乎方之外鳳邑設建至今相傳仙遊者二而禪遊者亦二採逸志以彙全書又不得以方外畧之也

明

蕭雲山

城坊人萬曆初年間少得異人授以奇門之法知人世吉凶本所千戶徐弘被苗提去地良山中雲山止衆勿驚乃于某日統軍數十作法夜行越數寨直抵山中取回

天柱縣志

下卷

五

千戶徐弘鷄犬不驚歸始日出苗人駭以爲神其家貧毫無所取冬不爐夏不扇日惟歌吟後尸解有人從黔中來見其飄然而去歸而言之始知其仙遊也諸仙錄有云蕭雲山

住天柱峯

白頭羅公

不知其各洪武年間隱居興文里之山中童顏鶴髮行動如飛能識未來禍福後不知所終因各其山爲白頭羅公山

王長老主僕

相傳滇南之指揮往京承襲而歸經過此地見金鳳山風景可愛遂棄官淨髮建庵于上主僕二人相爲師徒掛錫數十年忽一日有數頭陀偕銅杖鉢以其餘食彼師徒其誦惡其不潔其徒食之輒對師言曰我欲別師而去矣竟坐化越三年其師下山遍辭檀越言某日吾將去矣至期鄉人

率衆登山看之其師至山巔掘地尺許有一石棺去其蓋坐其中敲魚誦經不踰時曰山主請了竟圓寂衆人掩之而歸後數日懷疑不信敲棺視之了無所有至此山之上有石佛云嵐峯頂上庾真觀清淨谷山成兩禪

災異

災異之降所以儆上心惕衆志也果能修省補救則災異自除載於志者亦欲後之人仰觀天時俯察人事卻災異所由來悚身心而滋懼有位者更當加意焉勿謂天變不足畏也天之默示豈無故哉

明

正德十四年五月十三日大水

嘉靖九年四月十七日大水

天柱縣志

下卷

三四

嘉靖十五年三月大火

舍所房屋俱燬

隆慶六年八月螟

萬曆元年秋月螟

萬曆四十五年大旱

自五月至九月雨始降

天啟元年龍井流紅水

數日始清

天啟二年虎入城

自北而入至所廳轉南而出

天啟五年米貴

每斗價伍錢

崇禎四年六月大水

城郭田地坍塌人多淪沒

七月十七日地動

門窗有聲桅杆擺動

崇禎六年九月大火

東關外回廊火燭如飛殃及城內後東倏北又倏南不論

遠近皆無因而起自辰至酉方熄

崇禎九年大疫

十喪其九禁門啟運聚棺不計其數

春三月米貴

崇禎十一年六月大水

崇禎十三年六月冰雹

崇禎十五年地裂

東門城下地裂長數百丈寬二尺許深不可測黑氣上騰旬日

內復合如故

國朝

天柱縣志

下卷

三五

順治四年苗人破城

燒燬西南房屋數日間殺害七十餘命

順治六年賊將郝永忠屠戮一邑下半里

男婦約計千餘

順治七年潰將高李袁劉將與文里擄掠燒殺

計有千餘一帶房屋俱燼

三月米貴

每斗價值一兩人多餓死

順治八年大風拔木

順治九年賊將馮昌禮屠戮劫殺

男婦千餘軍民首均受其慘

順治十六年大旱

順治十七年米貴

每斗價值八錢

康熙三年東關外產一牛二首八足二尾

康熙四年山崩係紫雲巖倒塌塞江一方地震

康熙五年二月二十九日大火由南起倏焉東北相間而焚縣後川

堂之西及典衙監舍北樓俱燼自辰至未方熄兵民多露處

三月初四夜復火北街下巷延燬數十家

康熙九年地裂在龍泉坊長百丈餘寬二尺許直穿城外城爲之塌旬日復合里民

夏築其城

康熙十六年蝗

康熙十八年大旱

天柱縣志 下卷

康熙十九年米貴每斗價值參錢五分

春二月吳逆兵潰擄殺二三畝地方自林一帶生苑

離別條不可言

康熙二十年大疫

康熙二十三年五月十三日大水山水陡發橋梁多被衝裂

藝文

文有經世之文有垂世之文文之至也若文以藝稱則必括山川人物廟社壇壝以追昆虫草木凡碑碣記載犁然可攷無一不詳贍都雅而後文以傳七者何亦傳其可經可垂而非文自文藝自藝也如張茂先之博物志曹元龍之特賜文章士其殆藝文中之炳煥若日星咳唾成珠璣者與是邑自開化來家絃戶誦文風丕變宜乎翁狀改觀而此地罹兵燹久匪直人文寥寂并邑之全志亦無存及詢所載之斷章殘帙猶賴有蕭子之蘭王子承年蔣子正蔣許子承岳楊子承孺羅子尚賢君鼎宋子之鵬揚子正遇吳子之彪約畧記之克襄厥成或抑先民之典型彼都之爾雅至今猶存耶予也僅蒐金石之遺并續所條議記註者彙而輯之以實百年之傳聞以足一方之文獻爰次之篇末俟厥採風

建天柱縣咨文

巡撫湖廣都御史李得陽巡按趙文炳會題為建設  
縣治并留賢吏以固邊圉事據

整飭辰常等處兵備分守湖北道兼管撫苗湖廣按

察司副使兼布政司右叅議鄭銳為苗人歸心已久

多官查議甚詳懇乞 乾斷賜名定縣以昭 聖化

并留賢吏以靖邊方事准本司咨奉 巡撫湖廣都

察院右僉都御史李得陽案驗准戶部咨該本部題

湖廣清吏司案呈奉部送准吏部咨吏科抄出該巡

天柱縣志

下卷

三八

撫貴州都御史江東之巡撫湖廣都御史李得陽巡

按湖廣御史趙文炳各題同前事等因俱奉

聖旨該部知道備咨到部送司案呈到部看得貴州

巡撫江東之湖廣巡撫李得陽湖廣巡按趙文炳會

同題稱湖廣所轄天柱所地方各寨苗頭與靖州所

轄會同縣尚民及苗老陳文忠等各願納糧輸銀建

設縣治將天柱所原轄苗并十八寨編為三里并割

會同縣洞鄉四里共七里所該丁糧另行造冊申報

諸苗自行輸木與工創造堂宇二所其文廟明倫堂

等項各有人承造無勞大費卽中間少有不足不妨漸次處置要將議定縣名及天柱所吏目朱梓改陞知縣并銓選典史一員議革會同縣主簿一員改移訓導一員前往新縣掌理學務江東鎮遠二巡司俱付新縣屬靖州管轄其官員俸糧無俟加增并聽隨時酌議及鑄該縣印信儒學條記各一節除官員陞選裁革改移鑄造印記等事聽吏禮二部議覆外爲照天柱所設在民苗交錯之地向昔與兵構釁互相讐殺耕佈者若其剽掠輸納者不便往來卽其克逆

之狀何殊魍魎之鄉乃今諸寨苗蠻感撫戢之深恩遵建縣之宏議輸餉運木創葺堂宇卽其傾心向化固一時所僅見者至于會同縣洞鄉四里漢民附籍天柱新縣所轄令其鼓舞苗人護守邊疆以垂永利旣經撫按等官會題前來相應依請恭候

命下本部移咨貴州湖廣各巡撫及咨都察院轉行湖廣巡按御史督行司道將天柱所地方劫掠開曠地面建立縣治以本所原管并十八寨苗編爲三里諭令各苗戶推舉素有行止家道殷實者充爲里長



并詢年高有行者充爲鄉約保長并割會同縣洞鄉四里通共七里所該丁糧若干俱屬新縣管轄其文廟明倫堂等項俱照原議承造如有不足從容經理該縣各官俸薪彼中相時酌處仍於每月朔望兩日漢民苗民會集公所宣讀

聖諭律令以溥維新之化潛消舊染之習前項縣名恭侯 聖明欽定先將該縣丁戶糧石數目造冊報部以立經制本部仍咨吏禮二部查照覆議施行等因萬曆二十五年四月初二日太子少保本部尚書

楊 等具題初四日奉

聖旨是縣各喚做天柱欽此欽遵等因准此擬合就行爲此案仰本司官吏照依咨案內事理即便轉行湖北守巡三道并該府州縣遵照前件着實舉行其吏目朱祥改陞并新縣印信仍聽吏禮二部議覆明文至日遵行等因准此擬合就行爲此案仰本官照依案內事理即便遵照其本官改陞并新縣印信仍聽吏禮二部議覆明文至日遵行

前後條陳邊務款目

一建縣設學以圖永治

一展築城垣以防外寇

一創設柵欄以弭內盜

一嚴立保甲以安地方

一清查屯糧以防侵占

一剿懲首叛以警良苗

蓋因富虫寨苗傳長嘴草  
溪寨苗良同山蠻寨苗金  
總仲一時借稱  
草叛荼毒漢民

一嚴禁投苗以杜挑釁

此款至今  
爲要

一較定權量以便商民

一禁販禾米以安地方

蓋此地所出不廣卽年豐  
僅足自給若不遇饑民不  
生

一舉行鄉約以昭勸懲

一建立社學以移易風俗

一請割口七漢里以杜苗黨以興學校

一比例賞欵以鼓舞苗心

一移堡以保全邊隅

卽撒茅營建  
寨頭是也

一設舖遞以速郵傳

以上條款不惟朱君當日舉行甚善卽後世尤

宜遵行反復以思真安邊策也

天柱縣初建縣治碑記

天柱古荒服地當 皇祖二十有五年苗醜跳梁  
初命 親藩暨大將軍率衆討平置所彈壓越二百  
年餘武備漸弛仍前叛亂值 今上之十有一年檄  
守備周弘謨剿除全處許以建縣當差諸苗樂于向  
化報納鷄糧千有餘石厥後官遷事寢戈鋌日生抗  
糧不輸殺人載道所官制之弗戢會令付之無何授  
是幕者輒棄去蓋是時苗賊猖狂傅良嘴陳文忠爲

天柱縣志

下卷

二二二

最對朱以倘儻奇敏之材辛卯秋來幕茲所熟習以  
苗情狀惟建縣一事可使久安乃亟騎入寨宣布

朝廷德化許遵舊議

二酋老率先諸苗輸誠

納款愛之如父母畏之如神君來以苗裔歸附之誠  
乃上便宜數十事切中邊疆肯綮 兵巡守諸公擊  
節稱善勘議再三轉請 湖廣巡撫李景渠公 題

按趙含章公 貴州巡撫江念所公會 題建縣并

留賢吏以從輿望以靖邊疆議既下乃舉犖策畢羣  
力子來不日而縣治就緒于畔城郭巋然堂宇奕然

庠校業亦荆立帑無所廢民不稱勞而規爲注厝煥  
然一新雖指畫有在朱之幹力實多也 天部以員  
請秩部以印從計部以厥賦定

聖天子明燭萬里公順羣情遂擢朱爲邑令要分幕  
設師益相與鼓鬯宣力爲布堡哨修橋梁墾荒閒革  
淫蕩又請揆靖會之青衿獎進顛蒙之童穉彬七儒  
雅重爲諸苗首倡以故山川增麗土地開廣基繡環  
亘不逾年遂成巖邑卽中土都會奚讓焉始而 巡  
撫江念所公親臨審視嗣而 叅藩詹明菴公 巡

天柱縣志

下卷

三十三

泉林菴菴公觀成協贊愈登平治焉自是豪漢無乘  
凌寨崗皆編戶百里桑麻萬家煙火戶口載之圖籍  
錢穀輸之帑藏俊秀貢之

朝廷大明一統之業猗歟盛哉詩曰先王受命有如  
召公辟國百里令 主上比隆周治而諸臣克敏戎  
功真千載一時矣噫一天柱耳昔也如彼今也如此  
何以故人心無今昔而撫馭不無善敗也讒者謂飢  
虎可尾奔象可馴信然已厥功告成當事者請識之  
余因次第載筆令將來文武諸司宦茲土者睹 叛服

之故勤綏輯之方思勗業之難善保守之策有能辟  
土保民無負 國家者則有不次之賞今之新令尹  
固其明秀也我諸僉僚歸哉命鑄之石是役也起於  
萬曆甲午成於丁酉 湖廣巡撫李公得陽 巡按  
趙公文炳 貴州巡撫江公東之 分守湖北叅政  
陳公性學 副使叅議鄭公銳 詹公啓東 兵備  
僉事孫公守業 分巡僉事陳公惇臨 靖州守備  
王納諫禦備指揮史載道千戶翟羽與與勗勞例得  
併記

天柱縣志

下卷

辛四

整飭黎靖湖廣按察司副使徐榜議

靖州知州張和中

天柱知縣朱梓

教諭陳朝疏

典史周嗣元立石

萬曆二十七年仲冬吉且

天柱縣初建儒學碑記

古帝王致盛治未始不以建學爲競也蓋學校立則  
教化行賢士興則邦家盛恭隆之業唯斯是繫孟子  
曰學則三代共之皆所以明人倫也人倫明於上小  
民親於下我 朝內設國子監外置郡邑學擇經明

行修之士爲師進民間俊秀而教育之俾其晰民癡  
物則之理洞修已治人之道拔其才之成者以資國  
用其嘉惠學校殷々渥矣天柱古荒服外悍苗猖獗  
稱三楚極邊漢唐宋以來首藝之我

皇祖始建所治迨今上御寓之二十有一年朱君幕  
所目擊時艱條陳邊務首以建縣設學爲請

聖天子可撫臣之請遂縣天柱而欽命君尹焉始受  
命卽慨狀思曰天佑下民作之君師吾今令茲土則  
綏輯爾民化誨爾士吾責也攷周盛時菁莪棫樸之

天柱縣志

下卷

卷五

化淪浹寰宇卽兔且野人可壯干城爲公侯腹心天  
柱固苗藪吾欲進而教化之非建學立師不可乃相  
土市地鳩工聚材費則資之樂輸筦庫無與役則出  
之備饒民間無與工始於丁酉季夏越戊戌春而告  
成焉先師有廟及翼廟而爲廡者明倫有堂及翼堂  
而爲齋者祠宇門屏庖廩解舍與繚之爲垣藝之爲  
池者靡不井然煥然真足以嚴明裡而便游息矣爾  
諸士登斯堂也玉山環抱碧水滌流風氣融結品式  
具備一馭心而休目能無所觸思矣乎必也觀基圖

之堅峻則思敦誠愨以立本根觀彩飾之繁縟則思  
崇文學以達英華觀棟宇之嵯峨則思篤倫紀以隆  
植幹觀羣材之紛沓則思富經濟以適時用觀廉隅  
之整飭則思樹節槩以礪操持觀戶牖之空洞則思  
存虛明以燭幾微觀垣墉之周密則思秉義禮以端  
矩矱觀規模之弘濶則思希賢聖以充滿分量見而  
思思而勉不升堂入室不已則脫去卑陋躋之高明  
一洗習染還之粹白出而嚮用必將潔已奉公植

皇國柱 帝庭恒必賴之使其不試亦必端執執則

天柱縣志

下卷

三十六

可以表鄉閭厚風俗挽推髻左袵之儔囿之衣冠文  
物之內而於建學立師之意斯無負矣不然者辜佔  
俸而爽心得襲帖括而昧本真騫虛浮而遺實行則  
雖馳辯如洪波摘滌如春華亦末也本之則無豈慍  
倦作養之初意哉噫君之造士意至矣一日朱君率  
諸弟子員以記請余不辭而釋君之意以告多士蓋  
欲多士銘之心而礪諸行也君嘉與來學特其首焉  
而政尤班也 可紀夫其家世清白率履剛介文武之  
才優乎篋以及矣至於展城池清田賦翔義倉建社

學置官庄節輪蹄平肺石化苗有院遺愛有祠政行  
教溥士頌民謠方且佑而恃之社而稷之自附於尤  
倉畏壘民不能忘始非虛語邑人士有嘗乎余之言  
鑄而碑之紀功也紀功孰若紀心哉君之心在教育  
賢才以利及斯民也後之觀學宮而興思者當求其  
心君名梓淮陰人標津其別號也

萬曆二十八年庚子仲冬吉旦

賜進士第奉直大夫知靖州事渤海同春張和中撰



天柱縣秩官題名碑記

國初置天柱守禦所以控諸苗嚴制馭用寧邊徼乃二百餘年間苗寇蠅生戈挺鬪捷比歲相仍攷故實第付之莫敢誰何耳梓以今上二十一載叨授所募單騎馳數千里至則無署往幕率賃民居且歷萬山聚菁鳥道崎嶇人跡罕行四望翦翳刦擄恣橫齒豁載道挑爨遠徇豪右爲奸雉閭晝閉刁斗時驚或感趙甲之命而報錢乙之讐或掘孫丙之塋而復李丁之悞間有含冤而上訴者積案盈几百無一結蓋

以地極僻隅憲節吝無泄者以故人心玩愒襲故踵常埽之腹裏奚超天淵哉是時目擊其艱遂有歸田之請爲當道慰留弗獲釋去爰殫精極思策所爲又安計竊謂勘亂安邊無如建縣置令者梓素爲當道所許遂蒙特題首薦卽以專委得便宜從事始而多方撫化繼則徵納鷄糧預爲建縣之賞躬入苗巢不避兵刃宣

朝廷之威令播當道之仁恩匝二三年諸苗靡不回心向化稽首秉束願爲編民租稅樂輸力役爭效縣

署之建不假徵會期約而子來趨赴甫匝月而工遂落成時又有海鹽縣簿之擢爲官舍軍民苗頭之保留以寢嗣 湖貴撫臺李公 江公 按臺趙公會題奉

首建爲天柱縣遂易惟警爲冠裳化戈挺而禮樂撫  
同二之民以建庠序揆靖會之士以端指南拓雉堞  
以廣民居置庠哨以控扼塞耳新目染化誨事成無  
復帶刀背劍之習而草昧動勳庶幾底績矣迨銓部  
不以梓無似躡陟爲令秩部錫以縣符奉職以來兢

天柱縣志

下卷

三十九

競臨履自唯靡有他奇但開誠布公守法信度矢諸  
天日耳既忝令當有題名遂命匠礪石備述數言以  
志朔也若夫輝煌治具永奠清寧俾疆圉固於金湯  
以臻億萬年蒸隆之盛則敬俟之高賢大良之親疾  
是爲記 昔

萬曆二十八年庚子仲夏吉日

知天柱縣事知縣淮陰朱梓謹識

### 展城建樓記

國家嚴內外之防圖久大之業者城其首務哉城之

設自有郡邑以來皆先之爲其關於國計民生甚重也天柱孤懸荒服四抵首巢悍苗猖獗其所資於城尤重我 皇祖二十五年始建所治築土城以嚴保障宣德二年爲苗叟蝦所圍幾至摧陷闕之

天子勅委平溪衛莫樽揮督修展廓要之僅一所制已耳卑隘且圯無資捍衛矧今新邑建成民苗聞風輻輳錢穀日繁生齒日庶倘仍舊貫彼新附之民何以容之吾恐城隘則民寡民寡則勢孤勢孤則卑視禮器者乘間竊發垂毀之亂將接踵至矣爲今計者

天柱縣志

下卷

四

除額城修葺外舍展城無奇策也第經費詘乏乃捐俸金先市城外餘地尋卽鼓舞勸募民苗諭以杜漸防危一勞永逸之義惟時民苗感恩戴德者歡然子來願效版築之役侯於是相東距南開地一百八十餘丈甯者平之斷者續之高其基厚其墉上覆甍檣一百八十三間以立藩翰固封守當東南孔道關二重門東爲迎恩南爲迎薰各豎層樓三楹其上以禦強暴壯偉觀舊城隙地卽令新民樹屋而居以共守城垣由東門以南至南樓爲新民南街東門以北至

龍泉爲新民北街山龍泉以西至南樓爲苗城南樓以東至龍泉爲民城由是民樂其居苗遵其制爨糧荷杵勤日夜爲之以故歲計之功成於浹月而官不言費民不言勞成功之速若或翼之也時而登城則見卑者高圯者起隘者而式廓雉堞巍峩串樓鱗次鬻校之風氣完人文著永固東南之屏翰益堅西北之隄防金湯之利可畏恃以無恐焉於戲城大務也展城大計也侯運大計成大務乃能不煩帑金不假歲月雖曰人事實賴天成孟子所稱天時地利人和

天柱縣志

下卷

聖

三善備焉詩曰公侯干城侯其今之干城與余縱觀今日之安堵而信侯之功與城俱永也樂爲之記

天柱縣儒學教諭陳九韶撰

### 查田賦記

致廟宮辨土定田則壤賦良法班也可舉即今列邑之取諸民者悉準之成畫毫無軒輕其間惟天柱新設僻處遑隅錯雜天汶二所田畝弗均互相滄漏征歛不中程度邑侯日垢弊之繆魯惻然於裏久矣時值審造之初見其民嗟也告許有糧浮於田者有

田去糧存者有久開墾而未陞科者有多墾潰而未  
蠲除者有軍民互相侵產者或藉前田以影射或寄  
軍屯以卸差致富享無糧之田貧受賠贖之費爭端  
叢集民訟蝟興侯洞浙民隱熟籌揀弊之策會清丈  
無可爲者乃申請當道久之復請撫按如三道之  
允焉遂諮於衆曰吾今丈爾田清爾賦必官得其人  
乃可吾卽就爾公舉者與爾與利而剔弊焉時軍若  
民僉舉本縣典史周嗣元五開衛中湖所吏目包伯  
克當其選侯曰宜其然哉卽相與矢之天日務期秉

天性縣志

下卷

四十一

正持公殫心畢力總軍民諸田悉與丈之彼一公者  
任勞任怨不徇不撓若田塘若園地由山箐而高崗  
分崗盡丈尺土無遺侯仍不時抽丈必彼此毫無間  
異乃已蓋履丈于辛丑季冬月越壬寅仲秋而告竣  
焉視額田外清山餘畝人戶爲新增一里一坊廂且  
也不槩派重科以病民不遺攤脫稅以漏畝調停劑  
量輕重適中爛乎足國裕民之善制焉於時觀蕩平  
之政者怡然喜忻狀頌曰是二百年來所未有之規  
畫哉而一旦登吾民於嶄嶄中誠再生之幸歟夫一

田賦也木丈則多寡弗宜恤苦樂不均之嘆既文則  
哀益曲中始軍民兩利之休信乎治人舉治法彰於  
國家享歸土增戶之益於民苗沐輕徭薄賦之恩至  
之者侯黜國經野之實功而佐之者則捕廳周公蓮  
幕包公助勤其濟之勛其惠安元七者匪淺鮮也聞  
穆叔論不朽而歸之功與德是舉也其功疑其德崇  
爰併記之用垂功載於不朽云

儒學教諭陳九韶撰

置學田記

天柱縣志

下卷

四三

古之養士也以詩書是故仁耕之義耨之禮耘之樂  
播之養之心靈源湛一養之身踐履光明養於窮施  
於達總是物耳甚矣士之貴所養也尤貴上之人養  
之也士無所養而能力爲顏氏之子端木冉季之徒  
則皆藉養以資其學矣攷之歷學有田始于宋代我  
朝養士之法固有定制七外之需學有義田欲周其  
養以廣其教固嘉興學校之所宜亟七焉國者淮陰  
朱侯之尹天柱也公廉舉毅靡滯弗與必以建學餽  
才稱於上下士由此爭北面事之侯之志在養賢及

民嘗思所以佐其缺而作之氣一日言曰學宮新成  
生儒萃集其父兄富祿者固多而伶仃寒窶間所不  
免因貧廢學是可憫也矧以投戈講藝之士跡中州  
奚翅霄壤脫抄格外作興終難邁往乃銳然以苗民  
犯款贖緩叁拾金置田二十一坵歲輸禾三百六十  
手糊豎義倉積貯永資貧士燈油婚聚之需自諸當  
道僉允之 撫院江公且命勒碑以垂久遠今年春  
侯應頴蒙無教擇明經礪行生員二人分授生徒於  
書院遺愛設帳啟迪凡供膳束修之費取之義禾彼  
父兄毫無與焉斯舉也望士周矣蒙士迪矣於子弟  
受無方之益於父兄收不費之功誠一舉而三善備  
焉者也噫嘻侯所謂待士如此豈直區區以恤私爲  
諸生利無亦意氣所招士心畢奮以舉先王之教焉  
爾先王之教固將使人誦詩讀書居仁由義秉禮和  
樂養之於學校而用之於

朝廷秉心辨白可以觀忠禔躬鎮密可以觀孝澹泊  
明志可以觀廉執德永堅可以觀節易曰觀頤觀其  
自養也故士必自養而後無負於上之所養不則心

田一塞利令智昏異日者巧爲封殖則利眩於身始  
阿固寵則利眩於朝叨榮賤削則利眩於國益不獨  
隕戾於貧已也養士之謂何自養之謂何爾多士必  
不其然侯養士之恩溢於常法邑人士幸教思之澤  
溥從善之意深也問記於余七義之曰盛舉也宜記  
也侯之功樹於一時而垂於萬世碑而功之可後耶  
請記之以俟興學造士之君子

儒學教諭陳九韶謨

重建城隍廟碑記

天柱縣志

卷

四

人藏其心不可測也測之者惟神顧神非測也目不  
預觀視於無形耳不煩聽也於無聲喜怒不呈於色  
賞罰不出於口而善則錫之百祥不善則錫之百殃  
詎測而布之嗟七神鑒自朗耳城隍之神凡寓中爲  
都會郡邑者靡不廟祀春秋匪懈乃神司之柄杵也  
冥七混七沌七土木肖象衣冠偉然而英爽峻七鑒  
在有赫間有惡夫逞無不至官刑敲朴猶然飾貌深  
情詭詞誰能內欺於心其色愈厲及質之鬼神即暗  
室屋滿形迹未彰鬼神闕之寂七無所用訊乃夫色



變氣阻毛骨竦然自欲其辜至若人有冤抑痛苦鼓  
頰騰聲頹曰天地城隍恆人之情大都然也天柱既  
建縣治唐子元旦邑侯朱公禮謁諸廟突然有豕隨  
輿如怨如怒如泣如訴公惟而矢之曰若豕有冤欲  
鳴則宜質之城隍已而豕果先趨伏神之階下如質  
成狀公往益恠之越明日密捕秦豕之家一訊得冤  
狀蓋在二十餘年之前人所弗知者公一旦發其隱  
非神之默啟而相之者耶於是公之政稱異神之靈  
益彰先是神祠奠於城外歲己亥公展城恢而廓之

天柱縣志

下卷

四六

越數拾武而神祠環於城之內矣舊宇卑隘罔以壯  
觀且神之靈既赫人心凜也肅也兢也怒而威於  
鉄鉞公令集材鳩工撤去舊宇而鼎新之巍然峙立  
卽過之者悉歛容而趨矧入而瞻拜者欽仰而思敬  
何如也工始於辛丑季秋迄於壬寅之仲春壬子遂  
以竣告是爲記

山陽縣儒學庠生汪夢麟撰

朱公堤記

嘗謂承秀山明地靈人傑宗風水者在也云然地字

內有天造地設者乃以人爲戕之則培補地脉以全  
風水正民牧之亟也焉厚爲根本慮也何也天柱之  
脉自天堂山行至南坡山之麓澗水流乎其右民利  
其水因以鑿之元氣剝削脉之斷而弗續也所從來  
遠矣侯幕天柱之二十有一年周覽山川之形目擊  
其故乃屬父老而告之曰削哉一至是乎夫南坡源  
自巽龍發脉入午龍勢若萬馬自天而下穿田過峽  
起伏相旋轉烝入城有迴龍顧祖之義此誠地脉所  
聚也此脉一鑿則風氣渙散何以孕精毓秀效美呈

天柱縣志

下卷

第七

暉卽今民鮮蓋藏人多木魯苗恣劫掠正阻于山川  
之氣渙焉可知已弗培曷聚弗聚曷昌是堤也無何  
橫目者謂其不便已私從而倡阻之其事遂寢比矣  
靜而思之氣脉關天柱之重一不培而地削人澆則  
殺害之患世難免矣是堤之培氣聚地靈人和化洽  
屠掠可永除矣寧謂一水之不利而忍傷天柱之地  
脉耶矧水自高而下倘水可分事當爲之然後復跳  
高孰視久而喜曰水可藉矣水旣可藉堤顧不可不  
培乎惟是乃不避怨不恤勞伐石于山藉力於民培

而高者百丈并水之源分於左右而灌焉有是哉一  
舉而兩得也者地脈培則風氣聚固本基寧閭閻日  
阜不逾菴而人和政通薰爲至和卽悍卒鴛苗願請  
建縣治悛心向撫則此堤也誠建縣之大端大本者  
歟自是而設學展城自是而墮田定賦百度漸興而  
有此今日豈偶然致者時衆樂瘼之築願名其堤曰  
朱公堤蓋德侯而勒之石也噫一堤之築幾何而上  
澤邑治下裨軍民近以利今遠以利後新邑久大之  
業寔昉乎此厥益非尠少也昔眉山蘇公築堤錢塘  
利以識不念

肯

萬曆壬寅歲孟春之吉本縣儒學教諭陳九韶撰

彌香亭記

余使節過天柱旣以慰徠格苗流覽知置探鐘鼓洞  
之幽竒凌觀音巖之峻爽覩其規制風猷煥然瑰然  
靡不卽於理以間借邑令東海朱君尋分水泐觀焉  
循崖而上敷坐山坪遠望蒼翠之色環抱邑治時秋

方熟田禾豐稔高者伏不見人極目不知其際風度  
紋生金粟搖漾颺也。有聲朱君呼土人諭之曰城三  
隅業有遊觀之樂矣。故何獨慳於南吾爲爾成亭於  
此。則俛首曰甚善。令曰亭獨計遊樂乎。春以鑄錘毋  
使農人委手而媮惰焉。夏以占灌溉毋使澗泉旁溢  
而偏潤焉。秋以守禾黍毋使綠林乘間而得穫焉。問  
名於余。曰昔人亭以兩名識喜也。茲曷以稱香名  
乎。聞之太史公曰。佚能思初。安能推始。爾民思苗之  
未格也。人不敢轉志於耕耘而牛不獲善艸以暴日。

而稱不得香。思水之未有分也。高不占升十之濡而  
卑則有溝壑之憂。而稱不得香。思邑侯之禁未行也。  
秀者以借牧畜而實者以資盜糞。而稱不得香。侯爲  
爾民開化。爨苗驅逐草竊。分山澗之水。高者以平卑  
者以墊。在昔日所爲屠戮之場。萑苻之澤。剛阜之脊。  
而沮洳之區。一旦變爲沃壤。四壑繁也。而垂寶堅寶  
好矣。爾民何幸有今日哉。爾民何怙以有今日哉。稱  
香名。亭志喜亦志思也。思爾民所以幸有今日。怙侯  
之力也。思爾民所以永有今日。守侯之法而勿失也。

令亟起拱手曰命之矣遂援筆記其事

遊千佛鐘鼓洞記

千佛鐘鼓洞在天柱治西出廓傍山岩行澗泉流蕩石塊磊落約五里而近舊爲苗寨自朱令翔縣覽而嘉之適其泉流開其壁壘豁然閎然而奇狀始顯於世初入度石梁固以重扃冀以茅店結亭曰環翠焉泉水由石砌噴入池內再入爲三元宮七前池水清漪中峙奇石遶而後爲泉之發源有亭題曰枕流漱石洞在三元宮之左右石門西向濶四五十步高三丈

天柱縣志

下卷

五十

許左右垂二石擊之有聲如鐘鼓然壁間特出者爲瞿曇薩埵之貌不可枚舉偏北稍高椽球爲級以爲肆筵之處石形上如幃幕簷邊纓絡下垂環視磔磔者有石鐘乳所注如玉笋尤滑膩酒數行流覽洞之奇觀翼窻鬱深約百步許回視偏南近崖有穴如竅則鸚鵡洞也再東行或逾磐石或高或下或折而紆迴水道橫斜列炬涉而益東湫隘伏身始入水深如壑不能窮其委矣酒且闌由故道上崖窺其高洞七口一石窈然鸚鵡之飛鳴者石象蹲其下俯瞰危險

令設朱欄翼之俾可憑復入席數舉觥罷酒時八月四日也次日爲觀音巖之遊

遊觀音巖記

惟部員外郎白下姚履素誌

天柱縣之成蓋收功於人力而取靈於山巒者先是山脈自南來未至城爲巨壑中斷未君諒所以發之導勝氣入城則計水自南隴灌壯陸若車壑而阻水且虞槁久之熟視其原泉可於山腰分東西流也因決計墮高丘竇巨壑坦然平壤自是建縣之議成民

天柱縣志

下卷

五

苗安堵漸開文物矣題其處曰分水汶是日朱君取木板橫跨兩崖間以設供具偕余觀水之分流硯硯有聲已復沿山而上北望邑治蒼山朝拱時及有秋禾高六七尺鋪金遍野風動紋生不見其際朱君召土人曰曷築亭於此余因以稱香名之則有記以復登城垣由南而東而北皆新拓者門聳磔閣聯以棟厦至觀音閣與觀音巖遙對焉望之石壁流雲洞窟如鑿而鳥道柴扉秋色倍勝酒數行下城有池曰龍泉噴玉跨以亭出北門稍西行里許涉清溪入紫雲

巖上石列峙三門如官寺儀門之狀其上蓮花座皆天成者入內爲真武廟爲佛殿自巖至殿一帶山崗而外更一崗護之若重城狀相距二丈許截狀不相及泉流瀉入通津亦奇觀也出巖折而東渡江北行里許觀音巖在焉壁立峭嶮累級而升傍壁爲樓緣樓入洞南望諸山若在雲影間飛青凝紫冉冉而近矣洞固高敞前數日朱君培其基令凭虛地睇眎不爲樓楹所蔽以故瞻矚益遠入夜酒始罷天柱縣治開剏甫卽事而各勝之地亦漸次呈其佳麗雖地靈天柱縣志

下卷

三

宣泄有時朕亦朱君精敏優裕足以揚揭其秘不朕自有宇宙便有此山胡獨於今日哉

恤部員外郎姚履素撰

初建寶帶橋記

昔子產鄭之良相也嘗以乘輿濟人溱洧而孟軻氏謂其惠而不知爲政又引王政以曉之曰歲十一月徒杠成十二月輿梁成此豈獨以曉僑哉蓋曉天下後世之爲民牧者當行王政而不可區區以小惠市私恩也此何以說蓋謂惠止于一時一人而政則萬

世永賴萬姓蒙休無我濟人之勞而無不濟無人悅  
我之意而無不悅故曰平其政行僻人可也天柱固  
楚邊炎荒之地萬曆癸巳歲朱邑侯柳津爲幕于所  
目擊時艱撫苗納糧條議建縣至丁酉歲縣成奉

上命晉縣令歷今一十四歲中所布置巨細畢舉輕  
重相維恩威兼濟如學校之設以育才也城池之擴  
以固守也社學之立以養蒙也汶水之分以培脉也  
田賦之清以足國也人丁之審以增里也官店之創  
以招商也苗市之建以增稅也鄉約之舉苗老之僉

天柱縣志



下卷

五三

以化俗也保甲之設民哨之建以弭盜也義田之置  
以濟貧也遺愛之祀以報德也官庄之創以禦險也  
市鎮之新以復民也漏澤之置以恤死也古洞之闢  
以開奇也蓮亭之豎以時遊也巡司哨堡之設以防  
奸細也三元宮太平寺之創以崇佛道也城隍有廟  
關王有祠以重祀典也諸所猷爲更僕未易縷數總  
之皆籌邊之實政也歟其水口未塞坐是風氣雖開  
而人文尚未大振水口謂何一江自縣治南流而西  
復遶徂武而東實一方之巨浸而文風之闢鎖且此



江舊有木橋旋修旋壞來者每七病之朱邑侯於百  
度維新之後慨然奮臂率諸漢苗耆老偕往尋察形  
勢指點利益謂此橋最喫緊不可不鞏之以石於是  
遂解腰箱銀帶一圍計一十二兩付之千保長而千  
保長與送觀民苗不下千計咸首肯心服相與語曰  
此真我父母也其爲地方生靈慮至深且遠吾儕可  
不仰體之乎乃率作興事甫三月而五羣之橋告成  
焉橋之左有五龍亭橋之右有全石牌亭前爲周道  
自周道而上有閣肖觀音像於中左生祠三楹右社

學三楹大門三楹北橋一成一以濟人民之涉一以  
關風氣之渙億萬斯年人七利有攸往而文教大興  
賢才倍出於是焉賴此誠爲政之大綱領哉朕而鼓  
舞作興以解帶爲倡其惠又何如以惠爲政則惠非  
小惠以政行惠則政爲大政此朱邑侯所以卓越僑  
母也假令孟軻氏見宐何如嘆服之哉雖然橋名實  
帶有所自矣文王經始靈臺庶民子來不日成之而  
周民之誦臺者曰靈臺謂沼者曰靈沼神之也是橋  
始於萬曆乙巳之六月成於九月此雖人力實神助

焉雖謂寶帶橋卽靈橋可也解帶者朱邑侯之惠之  
政而督工課程朝夕勞瘁者則縣幕吳君文科尚義  
助工則千保長吳仲玉等橋成之明年丙午季夏余  
奉委查錢穀實躬臨之親見漢苗之向化師主之濟  
艙與諸規制之整齊而經過是橋儼若虹駕海中身  
遊鱗上自不覺神怡而心曠也縣博士李君一夔率  
庠生宋德元等請記於余也不佞敢僭書之俾刊於  
石

長州府司理辛詞纂錄

天柱縣志

下卷

五

重修保泰橋碑記

天柱韓侯以中州宏抱起家明經自甲寅春銓推卓  
異季夏月 命令天柱蒞任以來未幾持操安接懋  
績凡有注厝罔不與民興利除害先時城東寶帶橋  
始于宋令創建未幾而圯繼而李公重造不一二年  
而崩如故因聚蓮幕以入覲行乃進主梟使者唐君  
仁珊而相與謀曰王政首橋梁則因時締造寧司牧  
者之緩計哉况此河爲去州要道允往來晝夜無停  
日乎前之圯壞雖材之無良亦作之不如法耳茲欲

垂久遠計將安出唐曰基虛則墩不固石低則水易衝空寬則木易折加石俾層累而高架木俾參差而出凌沙以固本崇墩以安木可久之道也侯採其議卽以唐君董之更查得千保長伍仲甫等數人忠實堪役者令從事焉爰是鳩工聚材竭心籌畫曲盡便宜諸所施爲動合節度不逾年而橋工告成嗟乎構室而厚其址則震風凌雨不能侵也植木而深其根則繁霜苦雪不能拔也建橋與構室植木埒耳厚址深根以貽可久尚何驚濤怒浪得澎蕩而潰決之哉

雖然侯又有說焉前令以費帶各橋意誠善矣獨不思帶動物也失安靜之義焉顧名思義無怪乎旋修而旋圯也乃改費帶爲保泰且實其基而高其墩濬水以沙覆木以屋俾往來如履康莊而寒裳沉溺之患可免不將如泰山鎮靜歷萬年而不拔耶久若茲則前人始創未悉之經畫與侯今日繼作久遠之規模美垂天壤不朽已遂鑄之

靖州清軍撫苗同知羅儒珍撰

萬曆四十四年歲在丙辰季夏月吉旦

知天柱縣事韓可興

典史  
韓天復

梁府梁  
唐仁壽

天柱士民建朱侯生祠記

未君之理天柱也歷事九年屢功三上先是

聖天子以天柱爲侯新造之邦苗民爲侯新撫之衆考再而留之再以固圉也計今又三滿例當赴

闕考勞苦功高士民知侯將不復來相與建祠繪像以永去思學博陳九韶汨士民軍舍等處而徵言於予曰天柱古未有縣自朱君不忍吾民之胥於苗也建議而興是役獨創獨勞躬斬刈蓬蒿式增斯廟因

天柱縣志

下卷

五十一

而隸在職方與中州齒十年之間拮据辛勞諸如興學校訓苗童嚴保甲清丈量築城構署繕亭造橋靡不周爰執事而爲萬世規仁哉侯也治邑如治家愛民猶愛子乃今民與苗相習彝與夏同風蕩滌邊氛而登之文物秋毫皆侯力也微侯將苗之不免於民何有故紀功績叙年勞寰中無兩此一行也計當專拜以旌殊伐吾儕子民念報無所藉手竊效長壘而祝庚桑敢借有偉之管以揚其徽願明公幸許毋辭  
李生曰世之爲吏者責以蒞官守法勾檢簿書詎不

能之至排難解紛闔創石畫而不阻撓於羣僇應變  
出奇竭力嚮當而不遲徊於顧望竟事定功成而家  
國賴之自非振世之人豪不足以語此天柱何地也  
地連廣貴苗疇島嶼剽掠橫行莽多暴骨所官馭之  
弗戢制府付之無何固亂敷也維時矣以所募來觀  
苗之害民傷撫之失策謂欲反亂成治非建縣置吏  
不可議出而拘者駭忌者譁不知計固當而効實於  
國者事聞而明聖奇之授以銅符卽事不數年間  
辟艸萊爲都會易卉服爲冠裳藉苗壯爲戶口經侵

地爲正供熙熙然而境內大治

朝廷不費斗糧片簇而臣所未臣賦所未賦其視威  
震五溪名標銅柱者奚異特生不逢高光之世膺裂  
土封侯之賞進而與之班坐論功已牘奏而恩眷  
自優宜爾衆戀於侯行而不容已於祠之建也顧  
祠以志思彼未幾而圯且隨者由實不繼而思易忘  
也如侯則事皆實錄載在志勒在碑淪浹在民肌膚  
傳誦在世春秋固不朽之功也吾想奕世而下生長  
是邦而安作息者民與民遙言於野謂侯實生我而

啟之土而世筐筥以拜之者在編戶之遺黎生長是邦而服絃誦者士與士遊言於膠謂侯實造我而立之學而世俎豆以拜之者在青衿之秀士遊有洞息有亭利濟有橋祈禱有元宮釋閣皆侯建也攬轡游娛緬懷經始而世嘉賞以拜之者又在遊軺行旅矧苗有苗之祠辨髮推髻率舞庭除而世酪漿以拜之者又在嶼崗之諸苗詩云有斐君子終不可諠兮正侯今日之謂矣抑愚又有說焉昔蕭何立法曹叅繼之守而勿失而來清淨寧一之歌侯偉畧雄韜信于

蠻貊有其繼之則苗馴民安曷其有極侯亦藉以長世無遺恨矣予因二三子之請僭紀其事因併告後之君子如此侯姓朱名棨號柳津元淮之顛榆人也國士登壇指顧漢定爛焉至今爲烈越千載而侯出辟土以佐明興則淮陰固奇傑之藪其地靈乃爾也豈偶然哉豈偶然哉

知通道縣事清江李紹道謨

方侯課民家訓

事親盡孝敬事君端忠貞兄弟敦和睦朋友篤信誠

從官重恭慎立身貴廉明待士貴謙讓治民尚寬平  
理訟唯正直察獄必審情訪議不足怨辱寵詎須驚  
處清常慎溢居高本慮傾詩禮固可學鄭衛不足聽  
幸能修操守何俟釣虛名白珪玷可滅黃金諾不輕  
言行既無擇存沒自揚名

無道人之短莫恃己之長施人勿望報受施慎勿忘  
世譽不足慕唯人爲紀綱隱心而後動論議庸何傷  
無使名過實守拙聖所戒在混貴不淄賤也內含光  
柔弱生之徒老氏戒剛強

天柱縣志

下卷

六十

短不可護也則終短長不可矜也則不長尤人不如  
尤己好員不如好方用晦則天下莫與汝爭智謙恭  
則天下莫與汝爭強多言者老氏所戒欲訥者仲尼  
所戒妄動有悔何如靜而勿動太剛則折何如柔而  
勿剛吾見進而不已者敗未見退而自足者亡爲善  
則遜君子之域爲惡則入小人之鄉

勿慕貴與富莫憂賤與貧自問道何如貴賤安足云  
聞毀勿戚也聞譽莫欣也自顧行何如毀譽安足論  
無以意傲物以遠辱於人無以色求事以自重其身

遊與邪分岐居於正爲鄰於中有取舍此外無疎親  
修外以及內靜養和與真養內不遺外動率義與仁  
千里始足下高下起微塵吾道亦如此行之貴日新  
不敢規他人聊自書諸紳終身且自勉身沒貽後昆  
後昆苟反是非我之子孫



南池瑞蓮記并長詞

愚山雷起龍

奇葩異卉各有命名蓮獨以君子稱者謂其出淤泥不染競日彌馨也而榮枯開謝實與人事相感通焉天邑居楚南極壤兵燹後滿目淒涼南郊有池爲某公植蓮處昔稱一時盛隨時湮沒凡經七稔今我王公令茲土方將剪荆榛開棠蔭種花滿縣乃未越月而南池清漪競吐芳葩翠若紅粧凌波綽約良由令茲土者仁民愛物之念蘊蓄者久山川有靈早爲慶幸特未輕相示而花木每得氣稜先故盛吐芳顏以爲邑之士庶告焉從來物類殊而聲應氣求之理不殊邑有君子而花之君子亦卽連茹而出斯則感通之一驗也余以冬杪來遊未獲親覩其盛然旣見遊人之題咏復聞父老之謳吟不禁思從中來因賦長歌續諸貂末

峰巒叠々連雲紫百丈長虹復東起前賢教化洽民苗蠻方取次成仁里簿書以外靜無諱開馨南池注清池對時育物種蓮花爲愛蓮花是君子伊人去久花漸湮荒城滿目盡荆榛漫云有說將千古可奈無

花已七春河畔未逢投石女溪邊不見浣紗人天香  
國色歸何處空令騷人感慨頻使君之來胡不早城  
門朝夕爲公掃隨車甘雨忽滂沱數日花封花便好  
一朝齒舊噴芳顏萬紫千紅如繪藻氣機花木得先  
知山靈料理非草也肯曾聞玉井蓮花開十丈藕  
如疋未免文人相誇翊怎如目擊非言傳濯露籠煙  
香愈遠凌風笑日色彌鮮料因定是西王母日向瑤  
池宴衆仙嗟我來時歲將夏處也梅花與雪映那知  
先有南池蓮清芬果爲傳佳政悔不五六月中來

天柱縣志

下卷

卷三

沽濁酒同吟咏木天召試兆於斯載觀金蓮錫仙令

瑞蓮詩

石城劉一吳

訪舊纔經臨郭外方塘覓徑幾週巡有花如語復如  
拭濯也凌波迥出塵碧沼翠翻紅袖濕綺綾風趁葛  
衣輕種蓮種自昔時令也去花消事亦湮夏月常疑  
仙品幻七年重觀翠荷新凝珠結露亭也立彷彿瑤  
池在水濱漫道花房同政潔還稱苟坐比香醇地應  
有感培茲土天欲無言眷尔民把酒放懷心事冥停  
車爲賦使君神詠蓮獨詠蓮能返瑞映江南作宦人

入景詩

石柱擎天

合肥辜 寬

何年岷岷起高標直接銀河上下潮撐破雲霞逸石  
足撥翻星斗繫天腰龍行萬里翹風遠鶴去千秋待  
月遙唯有邑君來往便任將鳧舄踏層霄

龍泉噴玉

四望無雲作雨霏一泓清徹夜光微非關抱璞終成  
泣誰謂潛淵不可飛有女遺珠溪上立何人投劍峽  
中歸分明半曲瑤池水流向荷田處肥

天柱縣志

下卷

六四

金鳳曉鐘

呼吸能將帝座通遙天一擊下疎桐山城未落三更  
月林樾先傳四野風豈是啼鳥催曉夢爭如清雀嘯  
長空蠻荒已奏文明世不比尋常說梵宮

鐵山冬雪

朔風吹雪過城陰聳動深閨枿絮吟墨外染毫輕傳  
粉粧殘歛黛入疎林冰心一片還如鐵爐火千錘不  
化金遮莫演成銀世界春陽幾度杳難尋

春花夜月

半畝橫塘夜色清  
瘴方小景亦堪名  
到來處  
春山好行看年  
秋水盈花事有開  
還有落月光  
宜晦却宜明  
幾時竊得霓裳曲  
引起蠻家學弄笙

嫩艸斜陽

城南點染却無多  
落照啣山倒翠螺  
邑令仙車行化雨  
將軍獵馬踏晴莎  
問伊曾歷冰霜否  
奈尔能消歲月何  
分付牛羊休踐牧  
五陵公子待鳴珂

茨嶺連雲

山勢形同萬馬奔  
高如懸踞伏如蹲  
峰應有骨連天

天柱縣志

下卷

卷五

表雲却無心護石  
跟兩峽合來全沒影  
千林到底不分痕  
若教重補西南缺  
五色輕摩手欲捫

幙頭霧雨

千嶂天廻一嶂孤  
占雲課雨較來殊  
濛  
霧氣漫空起隱  
雷聲匝地呼蟻欲  
渡橋還未穩鳩方  
逐婦向誰鋪村姑  
野老欣霑足若箇  
風流入畫圖

九日遊觀音洞

姑孰張珏

立馬高原一望秋  
楚遊絕不勝吳遊  
青螺歷  
巖前閣白露蒼  
郭外洲  
此日同人忻載酒  
多時異國倦

世上貪願伊頃刻化爲銀與架危橋登絕巘不如開  
鑿利吾民

遊白巖宮

歷陽林毓芳

誰將惟石碧撐天今古巉巖不記年我欲御風凌最  
上瓊宮瑤島想同狀

崢嶸兀峙長空極目秋光萬壑同有客躡雲梯月  
窟不知何處九霄宮

對爲屏障石爲梯百丈銀峰一綫迷聞說神仙曾此  
本好憑雙眼入雲倪

天柱縣志

下卷

(原缺六十六)六十七

捫葛扳蘿下碧霄扶筇無計出危橋安能待月吹笙  
本一調西風寄子喬

筆架山

邑廣文漢江蕭二斯

能將掾筆掃雲爐應有文峰架石田揮去定教山岳  
撼擎來不讓斗星懸彩虹東望龍蛇起墨風西流翰  
海妍一自

聖門閭闔處巨靈神手欲摘天

寶帶橋

邑貢生傅巖星

長虹一縷東溪腰賴有朱君建此橋官任蠻荒留寶  
帶家居淮海近瓊簫輿梁始事傳先澤木石重增借  
天柱縣志 下卷 本八

後僚濟世心同俱不朽殘碑古碣息寒潮

高雲山

邑貢生羅君鼎

白雲在山巔青山出雲谷有時雲氣起山腰轉覺山  
嵐掛雲腹爲山爲雲抑何奇朝日暮日無高低出沒  
陰晴千萬態誰從眼纈摹端倪白雲不逐青山去青  
山未許白雲逃識得山雲總無礙山不動兮雲可撈  
余應王父師修志之請次新丹山立秋見月

邑廩生王永年

千林深處一燈懸高占新丹第一巔想見僧船歸夜

月却聞蠻笛破秋煙光繞半曲爭如畫隱矣覆星不  
在天記取晦明同此夕人間何必過媼妍

和前韵

邑庠生蕭之蘭

皎七清光着意懸乘槎人却坐華巖一泓秋水千山  
月幾幅疎林萬井爐燐落乍驚青漢影雁來初寫碧  
雲天莫愁老眼昏如霧看到更深分外妍

觀音洞

邑貢生蔣正蔣

望中樓閣起城陰水抱山環大士林紫竹何年開徑  
古白衣容我入雲深稜七蹲踞風雷氣片七玲瓏洞  
壑音的是勝名尊者地不隨灰劫到而今

天柱縣志

下卷

本九

江東巖

邑逸士羅尚賢

金陵天設大江東誰號茲岩亦與同花草依然吳地  
秀衣冠不讓晉時工數峰排列三山外兩澗支分二  
水中若有老僧重說法石頭點處也靈通

觀音洞

邑廩生楊承瑞

當巖高閣接飛霞曲突空靈坐落迎幾疊崇山登彼  
岸一灣流水渡恒沙石垂瓔珞淋冰乳月掛琉璃護  
玉紗穩是僧禪栖隱處不須門外問堯花

白雲山

邑庠生吳師宏

誰言贈雲白我欲買山青  
白卧幽人夢青空靜者聽  
山雲忽杳上青白眼冥上  
明月還相照疎林几點星  
紫雲巖和章

邑貢生蕭應昌

劍氣光茫靖遠氛  
茲崖各勝久傳聞  
我來黃葉翻紅  
葉人太青雲躡紫雲霞  
泛千栝空北海文移五彩仗  
東君此間好景誰相換  
隔岸巒岩合與羣

聽松閣

邑庠生蕭應何

松風謾上下塔除白  
崔頰來伴讀書掩卷有時閑  
倚

天柱縣志

下卷

七十

閣聽他清嘯月月初

笙簧何處奏清秋  
一枕寒濤百尺樓  
我欲凭虛從此  
太臨風莫更理笙篴

又二截

邑庠生楊佐才

風迴萬壑起虬龍  
身在陰雲第幾重  
覆耳聽酣清到  
底當年曾否受秦封

漫嗤投閣擁奇書  
且聽秋聲賦子虛  
谷響山空真異  
矣海潮江月更何如

白岩宮

邑廩生武者定



登高儘可任狂呼四望雲山掌上圖我欲拔移天竺  
本人間絕勝一浮屠

一橋橫架兩峰尖擬是長虹跨碧天  
擬斷銀河千尺浪任他牛女自年年

紫雲巖

邑廩生楊翹然

城陰迢遞紫雲峰莫靄朝霞萬象同  
邊塞溟濛鴻水北函關縹渺氣來東  
電光直射層霄外星野分垣五色中  
我欲臨崖呼石起不須仗劍倚空筒

小江渡

邑庠生陳萬思

天柱縣志

下卷

十一

不自岷山出居然亦號江小安能冒大高名不肯降  
君不見滄海一粟舟一葉河之廣矣一葦涉世間大  
者半虛名小江聊且同君說又不見七澤三湘與四  
瀆到底東流歸溟渤抑聞巨者納細流小江亦可通  
星宿任爾乘風破浪才無舟無楫空徘徊不用招  
輕渡太除是萍也夸父來

小江渡

邑廩生楊芳蘭

看人從對杪覓路下雲巔山夾諸蠻地江穿一線天  
平橋驅馬滑尺水破龍眠徒有臨淵羨知名亦惘然

筆架山

邑廩生蕭應極

文峯突起駕長虹霞舉雲橫變天空潑墨倒流星宿  
海揮毫直射斗霄宮馬行書破天無際鳳翻摩穿路  
不窮盡道騷人嫌閣筆恍檣馬陣問誰雄

蓮花山

邑庠生陳尚策

普陀遺寶岸種石已成蓮根潤三湘底花開五老前  
瑤池分瑞霧銀漢濯清泉不用仙人掌朝上滴露圓

林排山

邑廩生蔣朝琳

環抱山無數林排亦偶名大都雲錯落半與對參稽

天柱縣志

下卷

三十一

列幃爭如戟森羅莫敢授箇中含氣象誰此辨陰晴

又古風

邑廩生蔣正芾

千對如重圍森比列儀仗卿雲昏曉淡冠蓋遙相望  
碧搖五鳳幢端然臨其上左右侍大夫偃仰類揖讓  
君子偶而強羣材不敢徇處士卧巖雪美人捲步障  
抑有倚附人因緣托相尚眷彼絲與蘿霖甘而露醴  
曲者龍之盤敬者鳩之杖樵者雀以翻垂者雲以碧  
無容彼執柯師心獨運匠碁布與星羅莫可擬其狀  
朝上雨露恩春風常浩蕩

雲來山自白雲太山還青雲本何能爾山名亦可  
隔溪花寂々歸封鳥冥々向晚望燈火人家半落星

聽松閣

邑庠生黃日升

小閣當空谷山幽响亦殊長天清雀喚深夜老龍呼  
溫語傳君子高聲喚大夫憑虛奔萬馬封事近來無  
又古體

邑庠生陳琳

松聲清吾耳松花清我心松花采々不盈掬松聲  
覆有餘音溪迴閣轉幽棲地爲甚無人聽月林緬彼

天柱縣志

下卷

卷三

秦皇與漢武十洲三岳費招尋何如辟穀赤松子脩

朕一太笑淮陰學道學仙總至理聊此高居尺木吟

元正山

邑庠生周之德

山形多恠異元正意何如聚善於茲長羣邪不敢居  
象方端軌則涵氣渾清虛莫謂三苗地猶然慄悍餘

稻香亭

邑貢生楊聯芳

漢七平嶺入望青至今遺愛稻香亭河仍九里三秋

瀾穗亦覆岐百穀靈鸚鵡不言餘琢粒坡仙有記并

流馨何當再見丹陽尹綠野輕車喜數停

鐘鼓洞

邑廩生許承岳

寺岩訪壑破蒼煙却到雲封小洞天入徑漸深千佛  
冷當門無礙一鐘懸叩聲亂去拋閒石消渴紛來汲  
暗泉寄語世人休浪擲空山幾聽足音傳

邦洞崖

邑廩生楊正遇

登臨几度想當年一水周遭又一巔是洞任伊題馬  
上爲邦從此入疆遙呼開石丈風雷吼踏破天根日  
月懸莫倚蠻王曾恃險太平早已靖烽煙

蓬萊山

邑庠生朱之鵬

天柱縣志

下卷

七十二

蓬萊樓閣對三山萬壑清陰迥市閭老對盤空長嘯  
各溼雲遶路早封關地行仙去朝星闕天遣僧來點  
石頑安得杳朕乘輿往不知身已在煙巒

高雲山

邑庠生吳之彪

有山卽有雲爲屋獨有茲山雲不覆豈盡茲山不惹  
雲上來仍在山之麓隱々山高可接天巔雲不肯上  
山巔我欲登山袖雲去遙看飛鳥入蒼煙

邦洞崖步韻

邑廩生劉必昌

鑿山開道自何年磴水聲騰崖百丈巔放眼只知天却

半到頭方信路無邊往來車馬簷前度  
圖西樓臺壁上懸繞過數峰經幾曲  
隔溪縹渺鳳城煙

鷓鴣渡

邑廩生龔 瑄

策馬登山紀勝遊忽聞款乃下輕舟  
可知今日鷓鴣渡却似當年鷓鴣洲  
蘆荻葉深漁唱晚芙蓉花發客悲秋  
衣煙佩水萍上蓬望長天起白鷗

岑朗山

邑廩生徐 邁

但說山岑朗臺第幾層有人爭似玉  
無夜不冰寂寞窺雲下淒清待月登  
悟來開萬古何必問枯僧

天柱縣志

下卷

七十三

蓬萊山

邑庠生楊天然

漫言無處覓蓬萊識得蓬萊此地開  
天外三峯排島嶼雲中覆鳳隱樓臺  
西山王母何時至東海盧生甚日來  
但看傳書青鳥下好隨清影入仙台

鐘鼓洞

邑廩生胡萬年

霧洞何來此地名却傳鐘鼓未聞聲  
有時嘯去千巖應無意飄來萬籟清  
笑爾痴僧空費擊恠伊詩客苦爭鳴  
山間朝莫長如此鷺老鷗眠夢不驚

鷓鴣渡

邑增生鄭運光

萬山堆裏一溪迴，  
鵝鷺撲眼白占好洲無賴也。  
浪傳古渡亦奇哉，  
鸞雲自昔空存嶺鳳影。  
千今剩有臺，  
只此寒潮流不盡，  
看他瀟灑歸江來。

清冰江

邑遜士楊有標

三門塘時五溪開，  
一線澄江上下迴。  
漁網暗從岩畔出，  
仙槎遙向日邊來。  
水哉何取真堪悟，  
逝者如斯且莫哀。  
想像濯纓人去後，  
問誰飲犢傍山隈。

瑞蓮池

邑廩生譚會進

七年花事竟如何，  
香褪寒泥半畝多。  
聞道神君開宿

莽驚看靈沼，  
濺新荷亭。着雨三時潤，  
藹臨風百里和。  
不是採蓮空度曲，  
定來池上沐恩波。

瑞蓮靈池記

邑庠生蕭之蘭

蓮之有池也，  
何地無之，  
而蓮以瑞名，  
池以瑞名，  
獨鍾自天柱。余竊有異焉，  
問嘗詢諸耆舊，  
或曰：明洪武末，  
時創所守禦池，  
方廣僅丈餘，  
納源頭活水，  
雖大旱不憂其竭。而蓮之消長，  
豈關乎休咎？  
若有所以主之，  
萬曆年間，  
蓮有一本二花者，  
諸武弁咸謂曩者花甚茂，  
范千兵曾擢衛揮使，  
次墜五開叅戎花之驗也。因

沾七自喜日以鼓吹相慶越月餘柳津朱公任所吏  
目甫及三年有建縣之舉再三年縣始成坐墜爲令  
九載於茲矣朕則靈瑞之所鍾其在斯乎其在斯乎  
公簿書暇親督擴池命四圍栽柳架橋築亭榭竒  
窈深迴雖半畝方塘別有一林丘壑在焉而巡方諸  
公咏花呼石靡不目爲佳麗均以嚮瑞稱未易更僕  
數夫瑞兆遲久而後應人輒忽之卽志書亦所闕畧  
未若邇來或盛或衰徵應較速了然耳目間也記歷  
年四十有期軍民永欣縣遂播遷蓮已先爲之兆矣  
已十有四載恭逢

天柱縣志

下卷

二十五

趨露冷蓬房嗟紅粉之墜而根蒂亦歸烏有矣嗣後  
柳橋亭榭傾圯殆盡向所謂佳麗者安在哉屈指數  
國朝定鼎開闢湖南天柱幸入版圖委遼陽王父母爲  
柱令而蓮池一旦勃狀起公誠慈慈祥撫流離憫窮  
乏銳意以所爲縣署縣之歸於舊制又自此始惜乎  
四稔而蓮忽寢衰值義王蟠踞滇黔侵我楚疆逾數  
紀蓮倍盛於昔又遣師恢復內江黃公分符來柱時  
也公渾厚精明並用張弛得宜亦如朱公蒞九年任民

首建祠立碑昭其令德去後未及十載遭平西跋扈  
不臣湖南蹂躪已極處水火之中蓋六年餘而花之  
零敗宜矣歲至庚申蓮倏萌生雖未甚盛塗之人駐  
足以觀莫不踊躍而喜私謂時雍已兆其象未幾而  
王師果迅掃妖氛民賴以安蓮於辛酉猶平也爾時  
維壬戌妙英雋發如綺縮繡錯殆與製錦相孚爲我  
邑侯王夫子明敏縱於天愷悌出乎性秀映夔岐香  
浮九瓣福曜接文星而並燦芙蓉濯漣漪以相輝民  
之父母花之君子也氣機相感固如是哉若木劉先  
生觀其盛而有瑞蓮之咏都梁雷潛庵從而和之蘭  
也朴魯寡文漁水樵雲或可以之操觚染翰非其倫  
也不過採長老遺言擊近時徵應依樣葫蘆補志書  
之畧又從而歌曰翛然而寂翛然而開隱顯因賢否  
行藏識去來蒼龜猶不及瑞而霧者哉

昔王昌齡遷五溪而彼都變爲風雅吾友捫篔或共齋耶治柱之明年  
而都人士競以聲調相尚凡一艸一木一丘一壑無不托之於詩懷君子也  
咏美人也 捫篔之聲價重南金矣



和八景詩

柱石擎天

捫霞王復宗

巍然壁立鳳城標絕騰中流砥怒潮歲々水霜堅石  
骨朝々雲霧截山腰棟梁斯道風同峻袍笏無心拜  
未逢敢謂捫天稱巨手好乘孤鶴唳青霄

龍泉噴玉

淙泓曲沼亂霏々望裏崢嶸隱翠微不有神虬驚蟄  
起誰將雪浪濺珠飛人來灑翰凌波立僧待乘雲洗  
鉢歸匪直滿城蘇渴飲靈湫一倍灌畦肥

天柱縣志

下卷

七十七

金鳳曉鐘

縹緲疎鐘到處通依稀清越應梧桐爲開塵世千年  
夢直破遙天五夜風僧也無多蕭寺寂鳳兮不見曉  
山空安能振響排闥闔擲作金聲奏帝宮

鐵山冬雪

錚々如鐵北山陰洗墨何由白雪吟萬石雲沉鷺月  
窟六花風起幻瓊林紅爐點去難爲水丹甃成來便  
是金豈盡神仙勾漏令紛々梁苑費招尋

春花夜月

春江花月夜常清美景由來最得名但見春花三月  
盡可知夜月四時盈每常圓缺波中現分外陰晴鏡  
裏明曾向洞雲深勝蹟蠻請逐隊擁蘆笙

嫩艸斜陽

郊原極目夕陽多晴傷城闌簇岫螺漫羨登壇驅羽  
獵從教席地藉茵莎茸風細柔無力隱隱沙明翠  
若何回首擬天山氣暝淡煙疎月想鳴珂

茨嶺連雲

峻嶒疊嶂勢如奔路闢荆榛怪石蹲信是洪濛天不  
天柱縣志  
下卷  
二十八  
斷却疑蒼奔討無根晴開碧落通朝氣霧起青山沒  
雨痕試問結茅僧在否半間雲住剝堪捫

幞頭霧雨

漫空霧氣罩山孤石麓雲根勢較殊頂上應勞媼氏  
補泥中不費竹雞呼祁七四野春無課灑七三登歲  
有舖的是潮川詩畫裏誰成煙雨卧遊圖

雪中過寶帶橋

曉來晴雪閃晴空緩轡迎寒石徑封隔岸似人披雀  
筆過橋疑路入瓊宮分明小隱千山盡何事忙驅一

終慚媿袁安高卧穩勞七徒自說民窮

題江東巖

大江東納日西來又住江東大士崖洞口捨研陰石  
壁雲間辟荔掛香臺玉屏金粟堪飛錫白鷺青溪欲  
渡杯風雨登樓一凭望煙嵐冉七萬峯開

次小江渡有野人獻櫻桃

小江邨畔緩停車有老供新爲點茶漫擬御盤傾赤  
玉且除塵斛試丹砂人非摘叟風猶古色並霞英味  
較嘉寄語春禽休啄盡山園紅熟半生涯

天柱縣志

下卷

三十九

其二

春晴何處最相宜看珠朱樹下綠枝圓叟獻來恭比  
玉鶯兒啣去滑如脂尋添茗醉應消渴頓覺思清亦  
沁脾一檢千珠吟不盡非關學步杜陵詩

題白巖宮

何處無佳山新丹輒旬月愛此一峯尖晶瑩而映  
旣曰日割昏曉青天幻出沒我直凌絕頂天風生毛髮  
千秋古殿頽一綫欹橋滑緣路捫煙蘿排峰叫雲窟  
坐月待幽人小隱慚簪笏會當學米顛聊拜此石骨

次新舟山望白岩宮偶賦

長夏深林又早秋，寺門遙望白宮幽。人情只愛山如玉，世事聊將石作舟。寧許磨來還許涅，但言沉處莫言浮。蓮航一葉乘風起，直渡危橋坐上頭。

過鷓鴣渡

玳瑁鞍休戀鷓鴣，渡可停浮青空啖影點。碧自梳翎，齊渭非漁父。江干有客星，笑伊徒釣直。明月滿沙汀，咏瑞蓮。

會聞芝艸亦稱奇，况是亭上玉。立姿彼美人，今寧婚。

天柱縣志

下卷

八十一

世維君子也，恰逢時。霧來似欲迎，風舉清到無。言待月，知我意與花同。不競尋常學賦，愛蓮詩。

九日遊觀音巖次韵

王超宗

豈是重陽便好秋，趁無風雨暢同遊。寒衣半溼樓雲洞，踏葉頻驚宿鷺洲。何處鴻音來北塞，幾迴騷賦想南樓。老僧不解龍山會，但指門前溪水流。

新舟山

王鵬

誰從銀漢下三江，汎彼新舟泊此邦。繞麓溪塘疑混，傍岩樓閣儼蓬窓。千株喬木帆中影，一派蘆花水。

上腔任教神風吹不去直維天柱屹如砥

筆架山

殿閣巋然峙魯霧芙蓉高削隱文星珊瑚不倚徐陵  
架玳瑁何須逸少亭花管一枝凝竹翠錦霞千幅點  
山青鳳城多少凌雲氣留取奎光遠

帝庭

天柱縣志跋

書之義有三立德立功立言立言所以成書也志之義亦有三紀事紀動紀言紀言所以成志也言以成書也非志不信言以成志也非書不傳雖然不難其言難其人矣我

朝車書一統卧鼓爨弓特命儒臣纂修會典一時蘭臺梧掖之選迥然高班馬才儼然製謨誥體其人與言固非艸茅下士所可窺也獨是在天下爲天下之人言在郡邑爲郡邑之人言也

天柱縣志

下卷

三二

邑侯 王夫子者奉

天子命宰割茲土游刃有餘飲冰視事近四年所其邑制之未便者罔不革故鼎新超前澤後方之漢廷不是過焉乙丑夏秋交檄徵邑志博採而手定之書成示余也捧閱竟而天地人三才具備天者何志星野以迨災祥是也地者何志輿圖以迨土產是也人者何志沿革以迨藝文是也或條分而縷晰實綱舉以目張或大書以特書統詞嚴而義正披玩數過不禁喟然嘆曰有心哉 吾師之爲千秋業乎攷楚邊經

畧一書肇自明季 朱公其時艸創未脩諸所紀載  
不過撮其大要非志也 吾師以左國之遺筆彙集  
纂修每目冠以一論序次井然命諸意而周措諸詞  
而確是前此爲其畧今此爲其詳也且當時邑制皆  
朱公所經營者迄今百年裒集寥々卽原本悉爲寇  
燼一旦舉而新之搜之山谷得之傳聞其不致魯魚  
莫辨者幾希乃 吾師獨出手眼歷歲月日韓爲一  
家言是前此爲其易今此爲其難也其詳且難如此  
自非曠代之逸才烏能勝任而愉快乎不寧唯是爲  
天柱縣志

下卷

卷三

民請命而僞例除爲國育才而學宮遷爲山川開生  
面而各所未名闕所未闡勒之碑碣登諸紀序發爲  
詩誥殆左史倚相屈宋風流至今猶存也而吾邑之  
志自此成吾邑之志亦自此始行見進之 當事達  
之 史館獻之

天子將必嘉其才賞其識彙之一統志以昭同文之盛  
寧僅光邑乘也哉嗟乎自有此志後之宰吾邑者披  
圖而攷按類而求俾知天和何以感地利何以興人  
心何以洽則曠如聚米洞若燃犀不必歷覽旁搜而

已在吾目中矣夫非 吾師表章之力歟其人百世  
其言百世吾邑將溯洞景仰之靡涯也 年也一介之  
微卑且陋焉雖 吾師不鄙而次年於纂修之末寧  
敢贊一詞以貽當世詎唯是愛恃程門慶修鳳之弘  
規忘續貂之厚甲敢藉颺言以紀其盛謹跋

皆

康熙乙丑初秋之吉邑廩生王永年敬跋於新舟禪  
院